

四庫全書

經部

欽定四庫全書

左傳杜林合注卷三十九 明 王道焜

趙如源 同編

昭公六

經西癸酉十有四年春意如至自晉杜書至者喜得免林大夫不至必見執也而後

至亦危之也 ○三月曹伯滕卒杜無傳四同盟林武 ○夏四

月無傳 ○秋葬曹武公無傳 ○八月莒子去疾卒杜未同盟林著丘公

卒郊公立是年奔齊著丘之弟 ○冬莒殺其公子意恢

杜以禍亂告不必繫於為卿故雖公子亦書意恢與亂君為黨故書名惡之。恢苦回反

傳十四年春意如至自尊晉罪已也

以舍族為尊晉罪已

尊晉

罪已禮也

杜禮修已而不責人

○南蒯之將叛也

林叛季氏在十二年

盟費

人

林要費人為盟以叛

司徒老祁慮癸

二人南蒯家臣

偽廢疾使請於南

蒯曰臣願受盟而疾興若以君靈不死請待間而盟

杜間

差也

許之二子因民之欲叛也請朝衆而盟

欲因合衆以作亂

遂

劫南蒯曰羣臣不忘其君

君謂季氏。劫居業反

畏子以及今三

年聽命矣子若弗圖費人不忍其君將不能畏子矣

杜將

不畏子之威言將叛之
○畏子以及今絕句

子何所不逞欲請送子

出使請

期五日

杜南蒯請期冀有變

遂奔齊侍飲酒於景公公曰叛夫

言戲

對曰臣欲張公室也

林張強也言臣非叛君乃欲強公室弱私家

子韓皙

曰齊大夫。哲星歷反。

家臣而欲張公室罪莫大焉

言越

司徒老

祈慮癸來歸費

林二子既逐南蒯乃奉費邑歸之于魯

齊侯使鮑文子致

之

南蒯雖叛費人不從未專屬齊二子逐蒯而復其舊故經不書歸費齊使文子致邑欲以假好非事實也

○夏楚子使然丹簡上國之兵於宗丘且撫其民

杜上國在

國都之西西方居上流故謂之上國宗丘楚地

分貧振窮

分與也振救也。分如字徐甫問反。

長孤幼養老疾收介特

杜介特單身民也收養不使流散。長丁文反救災患

宥孤寡

杜寬其賦稅。宥音又。

赦罪戾詰姦慝

杜詰責問也。詰起吉反。

舉淹

滯

杜淹滯有才而未叙者。

禮新叙舊

林羈旅方新者禮待之。叙故有舊者叙用之。

祿勲

合親

杜勲功也。親九族。

任良物官

物事也。

使屈罷簡東國之兵於

召陵

兵在國都之東者。罷音皮。召上照反。

亦如之

林如然丹。

好於邊疆

結好四鄰。

疆

好呼報反。疆居良反。

息民五年而後用師禮也

林以安民為禮。

○秋八

月莒著丘公卒郊公不感

郊公著丘公子。著直居反。

國人弗順欲

立著丘公之弟庶與

杜庶與莒共。與音餘。

蒲餘侯惡公子意恢

而善於庚輿

蒲餘侯莒大夫茲夫也意恢
莒羣公子。惡烏路反下同

郊公惡公子

鐸而善於意恢

鐸亦羣公子
○鐸待洛反

公子鐸因蒲餘侯而與之

謀曰爾殺意恢我出君而納庚輿許之

為下冬殺
意恢傳

○楚

令尹子旗有德於王不知度

林子旗即蔓成然有佐立
之德於平王不知國家之

法度與養氏比而求無厭

杜養氏子旗之黨養由基之
後。此志反厭於鹽反王

患之九月甲午楚子殺鬬成然而滅養氏之族使鬬辛

居鄖以無忘舊勳

杜辛子旗之子鄖
公辛。鄖音云

○冬十二月蒲餘

侯茲夫殺莒公子意恢

林茲夫蒲餘侯名
用公子鐸之謀也

郊公奔齊公

子鐸逆庚輿於齊齊隰黨公子鉏送之有賂田

昔賂齊以田○

鉏杜居反

○晉邢侯與雍子爭鄆田

邢侯楚申公巫臣之子也雍子亦故楚人○鄆

許六反又起六反

久而無成

杜久訟而獄不決

士景伯如楚

士景伯晉理官叔

魚攝理

請攝代景伯

韓宣子命斷舊獄罪在雍子雍子納其

女於叔魚叔魚蔽罪邢侯

林叔魚受賂乃曲斷其罪於邢侯○斷丁亂反蔽世世反

邢侯怒殺叔魚與雍子于朝宣子問其罪於叔向叔向

曰三人同罪施生戮死可也

杜施行罪也

雍子自知其罪而

賂以買直鮒也鬻獄邢侯專殺其罪一也已惡而掠美

為昏

林掠取也昏亂也已有惡而取人之美謂之昏亂。鬻字六反掠音亮。

貪以敗官為

墨

林墨不潔之稱貪欲而敗其官守謂之汙墨。

殺人不忌為賊

杜專執殺人無所忌畏謂

之賊

夏書曰昏墨賊殺

杜逸書三者皆死刑

臯陶之刑也請從之

乃施邢侯而尸雍子與叔魚於市仲尼曰叔向古之遺

直也

杜言叔向之直有古人遺風。陶音遙施如字

治國制刑不隱於親

杜謂國之

大問已所答當也至於他事則宜有隱

三數叔魚之惡不為末減

末薄也減輕也

皆以正言之。數色主反又色其反下同為于偽反

曰義也夫可謂直矣

於義未安直則

有之。夫音扶又若于反

平丘之會數其賄也

杜謂言賄貨無厭

以寬衛國

晉不為暴歸魯季孫稱其詐也

謂言能也

以寬魯國晉不

為虐邢侯之獄言其貪也

林謂言也

以正刑書晉不為

頗三言而除三惡加三利

杜三惡暴虐也

殺親益榮

杜榮名 猶義也夫

三罪唯答宣子問不可以不正其餘則以直傷義故重疑之

經甲戌十有五年春王正月吳子夷未卒

杜無傳未同盟林夷卒卒王僚

立 ○二月癸酉有事于武宮籥入叔弓卒去樂卒事

略書

有事為叔弓卒起也武宮魯武公廟成六年後立之 ○去起呂反 ○夏蔡朝吳出奔鄭

朝吳不遠說人所見逐而書名 ○六月丁巳朔日有食之

無傳 ○秋晉

荀吳帥師伐鮮虞

林嘗狄晉矣荀吳何以無
貶于初伐貶實錄而已示

○冬公如

晉

傳十五年春將禘于武公戒百官

杜齊戒○
禘大計反

梓慎曰禘

之日其有咎乎吾見赤黑之祲非祭祥也喪氣也

杜祲
妖氣

也蓋見於宗廟故以為非祭祥也
氣惡氣也○禘子鳩反氣芳云反

其在泣事乎

杜泣臨
也○泣

音利二月癸酉禘叔弓泣事籥入而卒

林案公羊傳曰弓
者何干舞也籥者

何羽舞也此云籥入
蓋羽舞入而叔弓卒

去樂卒事禮也

杜大臣卒故為之
去樂林得禮之變

○去起
呂反

○楚費無極害朝吳之在蔡也

朝吳蔡大夫有
功於楚平王故

無極恐其有寵疾害之。費扶味反。

欲去之乃謂之曰王唯信子故處子

於蔡子亦長矣而在下位辱必求之吾助子請

杜請求上位。

長丁大反又謂其上之人

杜蔡人在上位者

曰王唯信吳故處諸蔡

二三子莫之如也而在其上不亦難乎弗圖必及於難

夏蔡人遠朝吳朝吳出奔鄭王怒曰余唯信吳故寘諸

蔡且微吳吾不及此女何故去之

女謂費無極何事使蔡人逐之。難乃且

反寘之豉反汝音汝

無極對曰臣豈不欲吳

杜非不欲善吳

然而前知其

為人之異也

杜言其多權謀

吳在蔡蔡必速飛去吳所以剪其

翼也

杜以鳥喻也言吳在蔡必能使蔡速叛而背楚

○六月乙丑王太子壽卒

周景王子

○秋八月戊寅王穆后崩

太子壽之母也傳為晉荀躒如周葬穆后起

○晉荀吳帥師伐鮮虞圍鼓

杜鼓白狄之別鉅鹿下曲陽縣有鼓聚

鼓人

或請以城叛穆子弗許左右曰師徒不勤而可以獲城何故不為穆子曰吾聞諸叔向曰好惡不愆民之所適

事無不濟

林愆過也在上者好善惡惡無有過差則在下者曉然知上之好惡有所適歸是故舉事

無有不成叔向之言止此

或以吾城叛吾所甚惡也人

以城來吾獨何好焉賞所甚惡若所好何

杜無以復如所好

若

其弗賞是失信也何以庇民力能則進否則退量力而行吾不可以欲城而適姦所喪滋多使鼓人殺叛人而繕守備圍鼓三月鼓人或請降使其民見曰猶有食色姑修而城軍吏曰獲城而弗取勤民而頓兵何以事君穆子曰吾以事君也獲一邑而教民怠將焉用邑邑以

賈怠不如完舊

林賈猶買也得一邑而買人之怠惰不如使人保守其舊之為愈也完猶保守

也○庇必利反喪息浪反守手又反降戶江反見賢通反焉於虔反賈音古下同

賈怠無卒

林卒

終也不

棄舊不祥鼓人能事其君我亦能事我君

林鼓人堅

守其邑能事鮮虞之君我教
民不忘亦能事晉國之君

卒義不爽

爽差也

好惡不愆

城可獲而民知義所

杜知義所在也荀吳必其能獲故因以亦義

有死命而

無二心

林盡忠以死君命無敢懷二心者

不亦可乎鼓人告食竭力盡

而後取之克鼓而反不戮一人以鼓子戴鞮歸

戴鞮鼓君名

戴悅全反鞮丁分反

○冬公如晉平丘之會故也

平丘會公不與盟季孫見執今

既得免故柱謝之

○十二月晉荀躒如周葬穆后籍諉為介既

葬除喪以文伯晏搏以魯壺

杜文伯荀躒也魯壺魯所獻壺搏。躒力狄反

曰伯氏

林晉周之同姓故曰伯氏

諸侯皆有以鎮撫王室晉獨無有

何也

杜威魯壺而言也鎮撫王室謂貢獻之物林蓋是時晉為盟主不修職貢

文伯揖籍談

文伯無辭揖籍談使對

對曰諸侯之封也皆受明器於王室

杜謂明德

之分

以鎮撫其社稷故能薦彛器於王

杜薦獻也彛常也謂可常寶之

器若魯壺之屬彛以之反

晉居深山戎狄之與鄰而遠於王室王

靈不及拜戎不暇

杜言王寵靈不見及故數為戎所加陵林拜謝戎師且不得暇。遠于萬

反又

其何以獻器王曰叔氏而忘諸乎

林叔籍談字而汝也叔父

唐叔成王之母弟也其反無分乎密須之鼓與其大路

文所以大蒐也

杜密須姑姓國也在安定陰密縣文王伐之得其鼓路以蒐。蒐所求反闕

鞏之甲武所以克商也

杜闕鞏國所出

唐叔受之以處

參虛匡有戎狄

參虛實沈之次音之分野。參所金反。

其後襄之二路

周襄

王所賜音文公大路戎路

鉞鉞拒塗

鉞齊也鉞金鉞拒黑黍也音酒。鉞音咸鉞音趨拒音巨也音。

暢彤弓虎賁文公受之以有南陽之田

杜事在僖二十八年。彤徒冬

反賁音奔

撫征東夏非分而何夫有勲而不廢

杜加重賞。夏戶雅反。

有績而載

杜書功於策

奉之以土田

杜有南陽

撫之以彝器

杜弓

屬旌之以車服

杜襄之二路

明之以文章

杜旌

子孫不忘所

謂福也福祚之不登叔父焉在

杜言福祚不在叔父常在誰邪。福祚之不登

叔父絕句焉於於皮反下同

昔而高祖孫伯鷹司晉之曲籍以為大

政故曰籍氏

孫伯鷹晉正卿籍諫九世祖。鷹以斬反。

及辛有之二子董之晉

於是乎有董史

杜幸有周人也其二子適晉為太史籍鷹與之共董督晉典因為董氏董狐其

後女司典之後也何故忘之籍談不能對賓出王曰籍

父其無後乎數典而忘其祖

杜忘祖業。女音汝數色主反。

籍談歸以

告叔向叔向曰王其不終乎吾聞之所樂必卒焉

林心之所

樂必終於此

今王樂憂若卒以憂不可謂終

林景王居喪當憂而樂若終之

以憂亂不可謂之終其天下

王一歲而有三年之喪二也

天子絕期唯服三年

故后雖期通謂之三
年喪。期居其反。

於是乎以喪賓宴

林以弔喪之賓共晏樂

又

求彛器樂憂甚矣且非禮也

林天子無求故曰非禮

彛器之來嘉

功之由非由喪也

林諸侯有善功乃作彛器藉手以獻非由弔喪來獻彛器

三年之

喪雖貴遂服禮也

天子諸侯除喪常在卒哭今王既葬而除故譏其不遂

王雖弗

遂宴樂以早亦非禮也

杜言今雖不能遂服猶當靜嘿而便宴樂又失禮也禮王

之大經也一動而失二禮無大經矣

杜夫二禮謂既不遂服又設宴樂

言以考典

杜考成也

典以志經忘經而多言舉典

林忘其經常而徒恃

言語舉引典故

將焉用之

為二十三年王室亂傳

經乙亥十有六年春齊侯伐徐杜齊景有志於代興也○楚子誘我

蠻子殺之林我蠻子嘉也不名名之則疑于蔡侯般○夏公至自晉○秋八

月己亥晉侯夷卒杜未同盟林昭公卒于頃公去疾五○九月大雩○季

孫意如如晉○冬十月葬晉昭公三月而葬速

傳十六年春王正月公在晉晉人止公不書諱之也杜猶

以取鄭故也公為晉人所執止故諱不書○齊侯伐徐楚子聞蠻氏之亂也

與蠻子之無質也林又聞我蠻子素失信於人質信也○質之實反或音致使然丹

誘我蠻子嘉殺之遂取蠻氏既而復立其子焉禮也杜詐

之非也立其子禮也

河

南新城縣東南有蟹城 二月丙申齊師至于蒲隧

杜蒲

地下邳取慮縣東有蒲如阪。隧音遂

徐人行成徐子及邾人莒人會齊

侯盟于蒲隧賂以申父之鬪

林邾莒畏齊討已故從徐子從齊受盟杜甲父古國

名高平昌邑縣東南有甲父亭徐人得甲父鬪以賂齊。邾音誅父音甫

叔孫昭子曰諸侯

之無伯害哉

為小國害

齊君之無道也興師而伐遠方會之

有成而還莫之亢也

杜無亢藥亢苦浪反

無伯也夫詩曰宗周

既滅靡所止戾正大夫離居莫知我肆

杜詩小雅戾定也肆勞也言周

舊為天下宗今乃衰滅亂無息定執政大夫離居異其心無有念民勞者也。夫音扶肆以制反徐以自反其

是之謂乎

傳言晉之衰

○三月晉韓起聘于鄭鄭伯享之子

產戒曰苟有位於朝無有不共恪

林子產戒飭百官言苟有位列于朝廷無

敢有不共敬而恪謹者

孔張後至立於客間

杜孔張子孔之孫林禮夫夫立於東夫南

而張立於客間者蓋宿未升階侍立於西方孔張誤立于客間也

執政禦之

杜執政掌位列者禦

止也。禦魚呂反下同

適客後又禦之適縣間

杜張又移立於客之西執政又禦止

之張又益西方立于禦肆之縣間。縣音玄

客從而笑之事畢富子諫

杜富子鄭

大夫諫子產也

曰夫大國之人不可不慎也幾為之笑而不陵

我杜言數見笑則心陵侮

我杜言數見笑則心陵侮

也。夫

扶音國而無禮何以求榮孔張失位君子之耻也子產怒

林起富子青已不當曰發命之不衷杜發號施令不得其當出令

之不信林朝行夕敗刑之頗類緣事類以成偏頗。頗

反獄之放紛林放縱也紛亂會朝之不敬杜謂國無使

命之不聽杜下不取陵於大國罷民而無功罪及而弗

知僑之恥也孔張君之昆孫子孔之後也昆兄也子孔鄭

視父罷音皮執政之嗣也子孔嘗執為嗣大夫承命以使屬

於諸侯國人所尊諸侯所知立於朝而祀於家杜卿得

於家。仗所

有祿於國

曾受祿邑

有賦於軍

軍出即賦百乘

喪祭有

職

杜有

受賑歸賑

受賑謂君祭以肉賜大夫祭賑謂大夫祭歸肉於公皆社之戎祭也。○賑

市軫反

其祭在廟已有著位在位數世世守其業而忘其

所僑焉得恥之

林其助祭於君之宗廟已有表著之位祖父數世居於鄉位世守其祖父之職

業而志其所當立之位我安得受其恥辱。數色主反焉於虔反下同

辟邪之人而皆及

執政是先王無刑罰也

言謂過謬者自應用刑罰。辟匹亦反邪似嗟反

子寧

以他規我

杜規正也

宣子有環其一在鄭商

杜玉環也林蓋玉人所攻璞玉

成雙環宣子有其一鄭商亦有其一故宣子欲得而雙之

宣子謁諸鄭伯

謁請也

子產

弗與曰非官府之守器也寡君不知子大叔子羽謂子

產曰韓子亦無幾求

杜言所求少
幾居並反

晉國亦未可以貳晉

國韓子不可偷也

杜偷
薄也

若屬有讒人交鬪其間鬼神而

助之以興其凶怒悔之何及吾子何愛於一環其以取

憎於大國也蓋求而與之子產曰吾非偷晉而有二心

將終事之是以弗與忠信故也

林將終久以事晉是故
不以玉環與之所以盡

忠於宣子而守與晉
之信也。屬音屬

橋聞君子非無賄之難立而無令

名之患橋聞為國非不能事大字小之難無禮以定其

位之患夫大國之人令於小國而皆獲其求將何以給

之一共一否為罪滋大

林若今日有求而與之後曰有求而不與則得罪於大國並大

○難乃且反
共音恭下同

大國之求無禮以斥之何饜之有吾且為

鄙邑則失位矣

林若惟命是聽則鄭且為晉邊鄙之邑不復成國。饜於鹽反

若韓子

奉命以使之求玉焉貪淫甚矣獨非罪乎出一玉以起

二罪吾又失位韓子成貪將焉用之且吾以玉賈罪不

亦銳乎

杜銳細小也言以細事徼大罪。賈音古下同銳悅歲反

韓子賈諸賈人既

成賈矣商人曰必告君大夫韓子請諸子產曰日起請

夫環執政弗義弗敢復也

杜復重求也。成賈音嫁請夫音扶

今買諸商

人商人曰必以聞敢以為請子產對曰昔我先君桓公

與商人皆出自周

鄭本在周畿內桓公東遷并與商人俱

庸次比耦

林庸用也

用次更相從耦耕。比毗志反

以艾殺此地

林以除治此地之荒穢。艾魚廢反

斬之蓬

蒿藜藿

林去其惡草。藿徒弔反

而共處之世有盟誓以相信也曰

爾無我叛我無強賈

並無強市其物。強其丈反下同又其良反

毋或勾奪

爾有利市寶賄我勿與知恃此質誓

林質信也杜母音熱下同與音預

故能相保以至於今今吾子以好來辱而謂敝邑強奪

商人是教故邑背盟誓也母乃不可手吾子得玉而失

諸侯必不為也若大國令而共無藝鄭鄙邑也亦弗為

也

杜藝法也林若大國有所號令而供給無有藝法是鄭為晉邊鄙之邑亦不肯為此事。好手報反下同

背音

僑若獻玉不知所成敢私布之

杜

布也韓子辭玉曰

起不敏敢求玉以徵二罪

林以要失諸侯鄙鄭國之二罪。徵古亮反

敢辭

之

傳言子產知禮宣子能改過

○夏四月鄭六卿餞宣子於郊

杜餞送行

飲酒

宣子曰二三君子請皆賦起亦以知鄭志

杜詩言志也

子

蓄賦野有蔓草

子蓄子皮之子嬰齊也野有蔓草詩鄭風取其邂逅相適適我願兮。蓄才何

反
宣子曰孺子善哉吾有望矣杜君子相顧已所望也。孺如往反。子產

賦鄭之羔裘杜言鄭別於唐羔裘也取其彼已之舍命不渝邦之彥兮以美韓子。宣子

曰起不堪也不堪國之司直。子大叔賦褱裳褱裳詩曰子惠思我褱裳涉漆子不

我思豈無他人言宣子思已將有褱裳之志如不我思亦豈無他人。褱起反。宣子曰起在

此敢勤子至於他人乎杜言已今崇好在此不復今子適他人。子大叔拜

謝宣子之有鄭。宣子曰善哉子之言是乃是褱裳。不有是事其能終

乎韓起不欲令鄭求他人子大子游賦風雨杜子游帶之子駟

偃也風雨詩取其既見君子云胡不夷。子旗賦有女同車杜子旗公孫段之子豐施也。有

女同車取其洵美且都愛樂宣子之志

子柳賦擇兮

杜子柳印段之子印
葵也擇兮詩取其偶

子和女言宣子偶已將
和從之。擇他洛反

宣子喜曰鄭其庶乎

杜庶幾
於興盛

二

三君子以君命貺起賦不出鄭志

六詩皆鄭風故
曰不出鄭志

皆昵

燕好也

昵親也賦不出其國以
亦親好。昵女乙反

二三君子數世之主也

可以無懼矣宣子皆獻馬馬而賦我將

杜我將詩頌取
其日靖四方我

其夙夜畏天之威言志在靖
亂畏懼天威。數色主反

子產拜使五卿皆拜曰吾

子靖亂敢不拜德宣子私覲於子產以玉與馬曰子命

起舍夫玉是賜我玉而免吾死也敢不藉手以拜

以玉
馬藉

手拜謝子產。○公至自晉。音人聽子服昭伯語季平

子

杜昭伯惠伯之子子服回也隨公從晉還。語魚遠反。

曰晉之公室其將遂卑

矣君幼弱六卿彊而奢傲將因是以習習實為常

將因君幼

弱而習為恃強奢傲之事

習慣自然必以輕君為常能無卑乎平子曰爾幼惡

識國

杜昭伯尚少平子不信其言。惡烏路反。

○秋八月晉昭公卒

為下平子如晉

起葬○九月大雩旱也鄭大旱使屠擊祝款豎柎有事於

桑山

子鄭大夫有事祭也。柎音附。又方干反。

斬其木不雨子產曰有事

於山執山林也

杜執養護今繁。執音葵。

而斬其木其罪大矣奪

之官邑。冬十月季平子如晉葬昭公平子曰子服回

之言猶信

自往見之乃信回言

子服氏有子哉

有賢子也

經兩子十有七年春小邾子來朝。夏六月甲戌朔日有

食之。秋郟子來朝。八月晉荀吳帥師滅陸渾之戎

夫者吳也吳無大夫也。渾戶門反。冬有星孛于大

辰

大辰房心尾也妖變非常故書。孛音佩

楚人及吳戰于長岸

杜吳楚兩敗莫

肯告負故但書戰而不書敗也長岸楚地林吳楚始書戰自是楚後書人君臣不見經者十八年吳入郢矣

傳十七年春小邾穆公來朝公與之燕季平子賦采叔

杜采叔詩小雅取其君子來穆公賦菁菁者莪杜菁菁者莪亦

朝何錫與之以穆公比君子昭子曰不有以國穆公若無用

詩小雅取其既見君子其賢故能有國○夏六月甲戌朔日

國之其能久乎杜嘉其能答賦言

有食之祝史請所用幣杜禮正陽之月日食昭子曰日

有食之天子不舉不舉盛無伐鼓於社林社者羣陰之聚諸

侯用幣於社杜社位上公故伐鼓于朝杜退禮也平子

槩之杜槩禁也曰止也林言止不唯正月朔慝未作日有食

之於是乎有伐鼓用幣禮也其餘則否太史曰在此

月也

正月謂建巳正陽之月也於周為六月於夏為四月

月慝陰氣也四月純陽用事陰氣未動而侵陽災重故有伐鼓用幣之禮也平子以為六月

非正月故大史答言在此月也

○正音政

日過分而未

至

杜過春分而未夏至

三辰有災

三辰日月星也日月相侵又犯是宿故三辰皆為災

於是

百官降物

杜降物素服

君不舉辟移時

辟正寢過日食時

樂奏鼓祝

用幣史用辭

林樂人伐鼓大祝用幣於社大史用辭以自責

故夏書曰辰不集

于房

林樂夏書盾征篇杜逸書也集安也房舍也日月不安其舍則食

替奏鼓

杜鼓樂師。替

音 古 齋夫馳庶人走

林齋夫主幣之官杜車馬曰馳步曰走為救日食備也。齋音色

月朔之謂也

林謂此建巳正陽之月朔也

當夏四月謂之孟夏

言此六月

當夏家
之四月

平子弗從昭子退曰夫子將有異志不君君矣

若安於無事
故曰有異志

○秋郊子來朝公與之宴昭子問焉曰少

皞氏鳥名官何故也

少皞金天氏黃帝之子已姓之祖也問何故以鳥名官。少詩照反

郊子曰吾祖也我知之昔者黃帝氏以雲紀故為雲師

而雲名

杜黃帝軒轅氏姬姓之祖也黃帝受命有雲瑞故以雲紀事百官師長皆以雲為名號皞雲氏

蓋其一
官也

炎帝氏以火紀故為火師而火名

杜炎帝神農氏姜姓之祖

也亦有火瑞以
火紀事名百官

共工氏以水紀故為水師而水名

杜共
工以

諸侯霸有九州者在神農前大皞
後亦受水瑞以水名官。共音恭

大皞氏以龍紀故為

龍師而龍名杜大皞伏義氏風姓之祖我高祖少皞摯

之立也鳳鳥適至故紀於鳥為鳥師而鳥名鳳鳥氏歷

正也杜鳳鳥知天時故以名玄鳥氏司分者也杜玄鳥

春分來伯趙氏司至者也杜伯趙伯勞也青鳥氏司

啟者也杜青鳥鶴鷄也丹鳥氏司閉者也杜丹鳥鷩

秋來立冬去入大水為蜃祝鳩氏司徒也杜祝鳩鷓鴣

為司徒鷓鴣氏司馬也杜鷓鴣王鷓也鷩而有別故

鳩氏司空也杜鷓鴣鷓鴣也鷩平爽鳩氏司寇也杜

均故為司空平水土

爽

鳩鷹也鷲故為
司寇主盜賊
鷓鴣氏司事也
杜鷓鴣鷓鴣也春
五鳩

鳩民者也

鳩聚也治民上
聚故以鳩為名

五雉為五工也

杜五雉雉有
五種西方曰

鷓雉東方曰鷓雉南方曰翟雉北方曰鷓雉伊洛之南
曰翬雉林賈逵曰西方曰鷓雉攻木之工也東方曰鷓

雉埽埴之工也南方曰翟雉及塗之工也北方曰鷓
雉攻皮之工也伊洛而南曰翬雉設五色之工也
利

器用正度量夷民者也
斗斛之量夷平也便度量器用
林利便民之器用正丈尺之度

平也。
九扈為九農正
杜扈有九種也春扈鷓鴣夏扈
竊玄秋扈竊藍冬扈竊黃棘扈

量音亮
竊丹行扈踏踏宵扈噴噴桑扈竊脂老扈鷓鴣以九扈
為九農之號各隨其宜以教民事林賈逵云春扈鷓鴣

相五土之宜趣民耕種者也夏扈竊玄趣民耘苗者也
秋扈竊藍趣民收斂者也冬扈竊黃趣民蓋藏者也棘

鳧竊丹為果驅鳥者也。行鳧嗜啗晝為民驅鳥者也。宵
鳧噴噴夜為農驅獸者也。桑鳧竊脂為蠶驅雀者也。老
鳧鷄鷄趣民收麥。今不
得晏起者也。鳧音戶。鳧民無淫者也。鳧止也。止氏自

顓頊以來不能紀遠，乃紀於近，為民師而命以民事，則

不能故也。

杜顓頊氏代少皞者，德不能致遠，瑞而以民事命官。顓音專，頊許玉反。

仲尼聞

之見於郊子而學之。

於是仲尼年二十八。

既而告人曰：吾聞之天

子失官，學在四夷，猶信。

杜失官，官不修其職也。傳言聖人無常師。

○晉侯使

屠蒯如周，請有事於雒，與三塗。

杜屠蒯，晉侯之膳宰也。以忠諫見，逃雒水也。

三塗山名在陸渾南，林請祭於山川之神。蒯苦怪反，雒音洛。

此。莫弘謂劉子曰：容容

猛非祭也其伐戎乎陸渾氏甚睦於楚必是故也君其

備之

林其弘周大夫劉子周卿士容謂屠蒯

乃警戎備

警戎以備戎也歆因晉以合勢

九

月丁卯晉荀吳帥師涉自棘津

河津名

使祭史先用牲于

雒陸渾人弗知師從之庚午遂滅陸渾數之以其貳於

楚也陸渾子奔楚其衆奔甘鹿

甘鹿周地

周大獲

杜先警戎備故獲

宣子夢文公攜荀吳而授之陸渾故使穆子帥師獻俘

于文宮

秋以應夢

○冬有星孛于大辰西及漢

夏之八月辰星見在天漢

西今孛星出辰西光芒東及天漢

申頊曰彗所以除舊布新也

杜申頊魯大夫

林琴象如旗如帚故有除舊布
新之象。琴似鏡反又息逆反

天事恒象

杜天道恒以象類告示入

今除於火火出必布焉諸侯其有火災乎

杜今火向伏故知當須火

出乃布散為災

梓慎曰往年吾見之是其徵也

徵始有形象而徵也

火出

而見

杜前年火出時見賢適反下同

今茲火出而章必火入而伏

杜今

年火出之月而章益章明其終也章星必隨大火而滅沒

其居火也久矣

杜歷二年

其與

不然乎

言必然也。與如字又音預

火出於夏為三月

杜謂於商為昏見

四月於周為五月夏數得天

正得天

若火作其四國當之

在宋衛陳鄭乎宋大辰之虛也

大辰大火宋分野。虛起居反下同

陳大

皞之虛也

大皞居陳本
火所自出

鄭祝融之虛也

祝融高辛氏
之火正居鄭皆

火房也

房舍也

星孛及漢漢水祥也

杜天漢
水也

衛顛頊之虛

也故為帝丘

杜衛今漢陽縣昔帝顛頊
居之其城內有顛頊家

其星為大水

星衛

營室營
室水也

水火之牡也

林牡雄也水為雄火
為雌○杜茂后反

其以丙子若

壬午作乎水火所以合也

杜丙午火壬子水水火合而
相薄水少而火多故水不勝

火若火入而伏必以壬午

高未知今孛星當從隨
火星俱伏不故言若

不過

其見之月

杜火災不過乘年大火
出見之月謂周五月也

鄭裨竈言於子產曰

宋衛陳鄭將同日火若我用瓘斝玉瓚鄭必不火

杜瓘
瓚也

學玉爵也。攢勺也。欬以襍火。禪婢子產弗與。以為火災流行

非襍所息故也。為明。○吳伐楚陽句為令尹卜戰不吉。

杜陽句。穆王曾孫。今尹子瑕。句古害反。司馬子魚曰：我得上流，何故不吉？

杜子魚公子。鮐也。順江而下，易用勝敵。且楚故司馬令龜我請改卜，令曰：

鮐也，以其屬死之。楚師繼之，尚大克之。吉。得吉兆戰于長

岸，子魚先死。楚師繼之，大敗。吳師獲其乘舟餘皇。杜餘皇舟

名。乘如字。又繩證反。下同。使隨人與後至者守之，環而塹之，及泉

杜環，周也。林使隨人與楚師之後，至者守餘皇之舟，周環餘皇而塹其地，深至於泉。盈其隧，炭陳。

以待命

林隧出入道也炭火置火滿於隧道之兩

吳公

子光

杜光諸樊子闞廬

請於其衆曰喪先王之乘舟宜唯光之

罪衆亦有焉請藉取之以救死

杜藉衆之力以取舟。喪息浪反。

衆許

之使長鬣者三人

長鬣多鬣鬚與吳人異形狀詐為楚人。鬣力輒反。

潛伏於舟

側曰我呼餘皇則對師夜從之

杜師吳師也。

三呼皆迭對

杜迭更也。楚人從而殺之楚師亂

林夜戰不知虛實但見吳人已伏舟側故紛亂。

吳

人大敗之取餘皇以歸

傳言吳光有謀。

經丁丑十有八年春王三月曹伯須卒

杜未同盟而赴以名林平公卒子悼。

五 公午 ○夏五月壬午宋衛陳鄭災 來告故書 天火曰災 ○六月邾

入入鄆 杜鄆國本琅邪開陽縣林鄆小國 奴姓禹之後。鄆音禹又音矩 ○秋葬曹平

公○冬許遷于白羽 林自葉遷也畏鄭而 樂遷故以自遷為文

傳十八年春王二月乙卯周毛得殺毛伯過 毛伯過周 大夫得過

之族。過 古未及 而代之 杜代居 其位 長弘曰毛得必亡是昆吾稔

之日也 杜昆吾夏伯也稔熟也侈惡積熟以乙 郊日與稔同誅。甚直良反稔而審反 侈故之

以林以其侈 法之故 而毛得以濟侈於王都不亡何待 為二十 六年毛

伯奔 美傳 ○三月曹平公卒 為下會葬見 原伯起本 ○夏五月火始昏

見杜火心星。見賢通反。丙子風梓慎曰是謂融風火之始也北東

曰融風融風木也木火母故曰火之始七日其火作乎杜從丙子至壬午七日壬午水火合

之相故知戊寅風甚壬午火甚宋衛陳鄭皆火梓慎登雷火作

大庭氏之庫以望之大庭氏古國名在魯城內魯於其處作庫高顯故登以望氣參近古

以審前年之言曰宋衛陳鄭也數日皆來告火杜言經所以書數所主反

裨竈曰不用吾言鄭又將火前年裨竈欲用乘暉禳火子產不聽今復請用之

鄭人請用之信竈言子產不可子大叔曰寶以保民也若

有火國幾亡可以救亡子何愛焉子產曰天道遠人道

適非所及也何以知之竈焉知天道是亦多言矣豈亦

或信

杜多言者或時有中。與音祈又音機下同焉知於皮反

遂不與亦不復火

傳言

天道難明雖禘竈猶不足以盡知之

鄭之未災也里析告子產曰將有大

祥

杜里析鄭大夫祥變異之氣

民震動國幾亡吾身泯焉弗良及也

杜言將先災死而泯而忍反

國遷其可乎子產曰雖可吾不足以定

遷矣

杜子產知天災不可逃非遷所免故託以知不足

及火里析死矣未葬子

產使輿三十人遷其柩

杜以其當與已言故

火作子產辭晉公子

公孫于東門

音人新來未入故辭不使前也

使司寇出新宮

杜新來聘者林未知

虛實出之使去

禁舊客勿出於宮

為其知國情不欲令去

使子寬子上巡

羣屏攝至于大宮

二子鄭大夫屏攝祭祀之位大宮鄭祖廟巡行宗廟不得使火及之

使

公孫登徙大龜

登開卜大夫

使祝史徙主祔於周廟告卜先

君

杜祐廟立石函周廟厲王廟也有火災故合羣主於祖廟易救護。祔音石

使府人庫人

各儆其事

林府庫貨財所聚故使其人各儆備火

商成公儆司宮

杜商成公鄭大

夫司宮巷伯寺人之官

出舊宮人寘諸火所不及

杜舊宮人先公宮女

司馬

司寇列居火道

杜司馬主兵司寇主刑列居火道備非常也

行火所燬

杜燬炙也

勤反。燬許

城下之人伍列登城

為部伍登城備姦也

明日使野司寇

各保其徵

野司冠降亡也火之明日四方乃聞災故戒保所徵役之人

郊人助祝史

除於國北

林郊外之人助大祝夫史除祭處於國北方就大陰禳火治

禳火于玄冥

回祿

玄冥水神回祿火神

祈于四鄙

鄙城也城積土陰氣所聚故祈祭之以禳火之餘災。鄙

音容 書焚室而寬其征與之材

林籍記被焚之家寬其征欲賦稅與之材木以助營

建

三日哭

林君大夫三日舉哀

國不市

杜亦憂戚不會市

使行人告於諸

侯宋衛皆如是陳不救火許不弔災君子是以知陳許

之先亡也

林陳不舉行火政不恤民也許不弔恤火災不畏天也杜不義所以亡

○六月

鄙人藉稻

鄙姓國也其君自出藉稻蓋履行之

邾人襲邾邾人將閉門

邾人羊羅攝其首焉

斬得閉門者首

遂入之盡俘以歸邾子曰

余無歸矣從帑於邾

林帑妻子也言我妻子盡獲今無所歸矣乃從其妻子於邾。帑音

叔

邾莊公反邾夫人而舍其女

林舍止也杜為明年宋伐邾起

○秋葬

曹平公往者見周原伯魯焉

林魯人往曹會葬者見周大夫原伯魯焉

與之

語不說學

林原伯不善學問之道。說音悅

歸以語閔子馬閔子馬曰

周其亂乎夫必多有是說而後及其大人

杜國亂俗壞言者適多漸

以及大人大人在位者。語魚據反

大人患失而惑又曰可以無學無學

不害

杜患有學而失道者以惑其意

不害而不學則苟而可

杜以為無害遂不學

則皆懷苟且

於是乎下陵上替能無亂乎夫學殖也不學將

落原氏其亡乎

杜殖生長也言學之進德如農之殖苗日新日益林不好學問如苗之不殖則

田萊荒蕪衰落而已

○七月鄭子產為火故大為社

為治也。為火于偽反下

將為同

後禳於四方振除火災禮也

杜振棄也林得敬天恤民之禮。後芳弗

反

乃簡兵大蒐將為蒐除

治兵於廟城內地迫故除廣之

子大叔之廟

在道南其寢在道北其庭小

庭蒐場

過期三日

更小不得一時畢

使除徒陳於道南廟北

林使除道之衆嚮家廟而立

日子產過女而

命速除乃毀於而鄉

杜而女也毀女所向女音汝鄉許亮反

子產朝

朝君過

而怒之

杜怒不毀

除者南毀子產及衝使從者止之曰毀於

北方

杜言子產仁不忍毀人廟。從才用反。

火之作也子產授兵登陴子

大叔曰晉無乃討乎

辭晉公子公孫而授兵似若叛晉

子產曰吾聞之

小國忘守則危况有災乎國之不可小有備故也

林國雖小

而不可犯者以有能修守備故也

既晉之邊吏讓鄭曰鄭國有災晉君

大夫不敢寧居卜筮走望不愛牲玉

林龜卜著筮並走羣望不受犧牲與

其玉

鄭之有災寡君之憂也今執事擱然授兵登陴

擱然

勁念貌。擱退板反。

將以誰罪邊人恐懼不敢不告子產對曰若

吾子之言敝邑之災君之憂也敝邑失政天降之災又

懼讒慝之間謀之以啓貪人薦為敝邑不利

林懼讒譖邪慝之徒

問厠火災而圖謀之開啓貪人之心重為鄭國之害杜為重也以重君之憂幸而不亡

猶可說也

林猶可解說授兵之罪。重直用反

不幸而亡君雖憂之亦無

及也鄭有他竟望走在晉

杜言鄭雖與他國為竟但瞻望晉師赴之。竟音境既

事晉矣其敢有二心

傳言子產有備

○楚左尹王子勝言於楚

子曰許於鄭仇敵也而居楚地以不禮於鄭

十五年平王復遷邑

許自夷遷居葉特楚而不事鄭

晉鄭方睦鄭若伐許而晉助之楚喪地

矣君盍遷許許不專於楚

杜自以舊國不專心事楚。喪息浪反。

鄭方有

令政

林鄭有賢臣政事方美

許曰余舊國也

杜許先鄭封

鄭曰余俘邑

也

隱十一年鄭滅許而復存之故曰我俘邑

葉在楚國方城外之蔽也

杜為方城

外之蔽障

士不可易

杜易輕也易以鼓反

國不可小

杜謂鄭

許不可俘

讐不可啟君其圖之楚子說冬楚子使王子勝遷許於

析實白羽

於傳時白羽改為析。說音悅

左傳杜林合注卷三十九

欽定四庫全書

左傳杜林合注卷四十 明 王道焜

趙如源 同編

昭公七

經

戊寅

十有九年春宋公伐邾

為邾

○夏五月戊辰許世子

止弑其君買

杜加弑者責止不舍藥物林悼公弑止奔晉斯立

○己卯地震

無傳

○秋齊高發帥師伐莒○冬葬許悼公

無傳

傳十九年春楚工尹赤遷陰于下陰

杜陰縣今屬南鄉郡

令尹子

瑕城邾

林子瑕即陽句邾亦楚邑

叔孫昭子曰楚不在諸侯矣

林言楚無

復經畧中

其僅自完也

遷陰城邾皆欲以自完守

以持其世而已

以林

保持其世言

○楚子之在蔡也

蓋為大夫時往聘蔡

邾陽封人之

無遠謀也

女奔之生大子建

邾陽蔡邑邾古闕反

及即位使伍奢為之師

伍奢伍舉之子伍員之父

費無極為少師無寵焉欲譖諸王曰建可

室矣

室妻也少詩照反

王為之聘於秦無極與逆勸王取之正

月楚夫人羸氏至自秦

王自取之故稱夫人起為于偽反與音預羸

○邾夫人宋向戌之女也故向寧請師

杜寧向戌子也請於宋公

伐邾。向傷
亮反。戌音恤。

二月宋公伐邾圍蟲三月取之

蟲邾邑不
書圍取不

以乃盡歸郟俘。夏許悼公瘡

林瘡疔疾。
瘡魚畧反。

五月戊辰

飲大子止之藥卒

杜止獨進
藥不由醫

太子奔晉書曰弑其君君

子曰盡心力以事君

林言事君之道但當
盡其忠心與其實力

舍藥物可也

藥物有毒當由醫非凡人所知識止不
舍藥物所以加弑君之名。舍音捨。

邾人鄆人徐

人會宋公乙亥同盟于蟲

終宋公伐邾事
。邾五兮反。

楚子為舟

師以伐濮

濮南夷也
。濮音卜。

費無極言於楚子曰晉之伯也邇

於諸夏而楚辟陋故弗能與爭若大城城父而寘大子

焉

城父今襄城城父縣。音霸辟匹亦反。父音甫。

以通北方王收南方是得

天下也

林業收南北是得天下矣。

王說從之故天子建居于城父令

尹子瑕聘于秦拜夫人也

杜為明年譜天子張本改以為夫人遣謝秦。說音悅。

○秋齊高發帥師伐莒

莒不事齊故

莒子奔紀鄆

杜紀鄆莒邑也東海

贛榆縣東北有紀城。鄆音章。

使孫書伐之

孫書陳無字之子子古也。

初莒有婦人

莒子殺其夫已為嫠婦

寡婦為嫠。嫠力之反。

及老託於紀鄆紡

焉以度而去之

林紡麻縷為纊以待外攻者欲為夫報讐去藏

也。紡芳往反。度待洛反去起呂反。

及師至則投諸外

杜投繩城外

或獻

諸子占子占使師夜絕而登

杜綬登城

登者六十人絕絕

師鼓譟城上之人亦譟莒共公懼啓西門而出七月丙

子齊師入紀

傳言怒不在大。共音恭。

是歲也鄭駟偃卒子游娶

於晉大夫生絲弱

杜子游駟偃也弱幼少

其父兄立子瑕

杜子瑕子游叔

父駟乞

子產憎其為人也

杜憎子瑕

且以為不順

舍子立叔不順禮也弗

許亦弗止

杜許之為遠禮止之為遠衆故中立

駟氏聳

榮懼也

他日絲以告

其舅冬晉人使以幣如鄭問駟乞之立故

杜問駟氏何故舍子而立

叔駟氏懼駟乞欲逃子產弗遣請龜以卜亦弗予大夫

謀對子產不待而對客曰鄭國不天

杜不獲天福

寡君之二

三臣札瘥天昏

林天死曰札小瘥曰瘥短折曰天未明日昏此言相繼而死。札側八反瘥才

何反今又喪我先大夫偃其子幼弱其一二父兄懼隊宗

主私族於謀而立長親

杜於私族之謀宜立親之長者。喪息浪反隊直類反長于丈

反寡君與其二三老曰抑天實剝亂是吾何知焉

杜言天自

欲亂駟氏其國所知

諺曰無過亂門民有兵亂猶憚過之而况敢

知天之所亂

林凡民有兵戈之亂他人猶畏憚不敢執過其門况天意之所欲剝亂敢過而知之

乎。過古采反下同

今大夫將問其故抑寡君實不敢知其誰實

知之

林駟氏鄭臣也鄭君尚不敢與知其事鄭之諸臣又誰敢與知其事

平丘之會

在十三年

君尋舊盟曰無或失職若寡君之二三臣其即世者晉

大夫而專制其位是晉之縣鄙也何國之為辭客幣而

報其使晉人舍之

杜遣人報晉使林晉人置之不問傳言子產有辭。使所吏反

○楚

人城州來沈尹戌曰楚人必敗

杜十二年吳縣州來今就城而取之戌莊王曾

孫業公諸梁父也。戌音恤

昔吳滅州來

在十三年

子旗請伐之王曰吾

未撫吾民今亦如之

林今亦未撫吾民如前十三年

而城州來以挑吳

能無敗乎侍者曰王施舍不倦息民五年可謂撫之矣

戊曰吾聞撫民者節用於內而樹德於外民樂其性而

無寇讐今宮室無量民人日駭勞罷死轉忘寢與食林平

王營創宮室無有量度非節用樹德也人民日以驚駭勞苦罷困死亡轉徙日忘其食夜忘其寢非樂其性而

無寇讐也。樂音洛罷音皮。非撫之也傳言平王所以不能霸○鄭大水林凡

出水為龍闕于時門之外洧淵杜時門鄭城門也洧水出滎陽密縣東南至潁

川長平入潁○洧于執反國人請為滎焉子產弗許曰我闕龍不我

覲也杜覲見也林言我若相關龍必不覲見於我。滎為命反覲大歷反龍闕我獨何覲

焉禳之則彼其室也淵龍之室吾無求於龍龍亦無求於我

乃止也

傳言子產之知

○令尹子瑕言蹶由於楚子

杜蹶由吳王弟五年

靈王執以歸蹶九衛反

曰彼何罪諺所謂室於怒市於色者楚之

謂矣

杜言靈王怒吳子而執其弟猶人忿於室家而作色於市人

舍前之忿可也乃

歸蹶由

杜言楚子能用善言

經

己卯

二十年春王正月○夏曹公孫會自鄴出奔宋

杜無

傳嘗有玉帛之使來告故書鄴曹邑。鄴莫公反又亡增反

○秋盜殺衛侯之兄縶

杜齊豹作而不義故書曰盜所謂求名而不得。縶張立反

○冬十月宋華亥向寧

華定出奔陳

與君爭而出皆書名惡之。華戶化反

○十有一月辛卯蔡

侯廬卒

杜無傳未同盟而赴以名林平公卒太子宋立。廬方於反又力烏反。

傳二十年春王二月己丑日南至

杜是歲朔旦冬至之歲也當言正月己丑

朔日南至時史失閏閏更在二月後故經因史而書正月傳更具於二月記南至日以正厯也梓慎望

氛

氛氣也時魯侯不行登臺之禮使梓慎望氛。氛芳云反。

曰今茲宋有亂國幾亡

三年而後弭蔡有大喪

為宋華向出奔蔡侯卒傳

叔孫昭子曰然則

戴桓也

戴族華氏桓族向氏

汰侈無禮已甚亂所生也

傳言妖由人興。汰

音泰

○費無極言於楚子曰建與伍奢將以方城之外叛

林時建居城父故言將以方城之外叛

自以為猶宋鄭也齊晉又交輔之

將以害楚其事集矣王信之問伍奢伍奢對曰君一過

多矣

杜一過
納建妻

何信護言王執伍奢

杜念奢
切言

使城父司馬

奮揚殺太子未至而使遣之

林奮揚楚大夫時為城父
司馬亦在楚故使往就殺

太子奮揚受命未至城
父知太子寃故遣令去

三月太子建奔宋王召奮揚奮

揚使城父入執己以至

林示不
逃刑

王曰言出於余口入於

爾耳誰告建也對曰臣告之君王命臣曰

林此曰字下
一句乃楚平

王命奮揚為
司馬之辭

事建如事余臣不佞

佞才
也

不能苟貳

林不
能苟

且而懷
貳心

奉初以還

奉初命
以周旋

不忍後命故遣之既而悔之

亦無及已王曰而敢來何也對曰使而失命召而不來

是再奸也

杜奸犯也。使所吏反又如字

逃無所入

林雖欲逃避無所可入

王曰

歸從政如他日

杜善其言舍使還

無極曰奢之子材若在吳必

憂楚國盍以免其父名之彼仁

林彼謂伍奢之子仁愛其父

必來不

然將為患王使召之曰來吾免而父崇君尚謂其弟員

杜崇君奢之長子尚也為棠邑大夫員尚弟子胥。員音云

曰爾適吳我將歸死吾

知不逮

杜自以知不及員知音智下同

我能死爾能報聞免父之命

不可以莫之奔也親戚為戮不可以莫之報也奔死免

父孝也度功而行仁也

杜仁者貴成功林奔死以求免吾父尚不失為孝度功而求行

汝志員不失為仁。度待洛反

擇任而往知也知死不辟勇也

林擇能任報仇

而獨出奔員不失為智知歸則必死而獨不避尚不失為勇。任音壬

父不可棄

俱去為棄父

名不可廢

俱死為廢名

爾其勉之相從為愈

杜愈差也林比之相從俱奔俱

死皆為差勝也

伍尚歸奢聞員不來曰楚君大夫其盱食乎

將有

吳憂不得早食。盱古旦反

楚人皆殺之員如吳言伐楚之利於州

子

杜州子吳子僚

公子光曰是宗為戮而欲反其讐不可從也

杜光吳公子闔廬也反復也

員曰彼將有他志

杜光欲弑僚不利員用事故破其議而員

亦知 余姑為之求士而鄙以待之

林計未得用故進勇士以求入於光退居

邊鄙。為于偽反

乃見縛設諸馬

杜轉諸勇士。見賢通反轉音專

而耕於鄙

為二十七年 吳棧僚傳

○宋元公無信多私而惡華向華定華亥

與向寧謀曰亡愈於死先諸

恐元公殺已欲先作亂。惡烏路反

華亥偽

有疾以誘羣公子公子問之則執之夏六月丙申殺公

子寅公子御戎公子朱公子固公孫援公孫丁拘向勝

向行於其廩

杜八子皆公黨。御魚呂反又如字

公如華氏請焉弗許遂

劫之

公劫

癸卯取大子欒與母弟辰公子地以為質

杜欒景公

也辰及地皆元公弟林辰地皆
大子樂兄弟。質音致下同。公亦取華亥之子無感

向寧之子羅華定之子啓與華氏盟以為質。杜為此冬華向出奔

傳

○衛公孟縶狎齊豹

公孟靈公兄也齊豹齊惡之子為衛司寇狎輕也

奪之

司寇與鄆

杜鄆豹邑鄆音絹

有役則反之

杜縶足不良故有役則以官邑還豹使行

無則取之

杜若無征役則取其邑

公孟惡北宮喜褚師圃欲去之

杜喜貞子。惡鳥路反褚中呂反

公子朝通于襄夫人宣姜

宣姜靈公嫡母。朝

如懼而欲以作亂故齊豹北宮喜褚師圃公子朝作亂

初齊豹見宗魯於公孟

杜為達也。見賢通反

為駮乘焉

杜為公孟駮乘

○駭七南反乘繩謹反下皆同

將作亂而謂之曰公孟之不善子所知

也勿與乘吾將殺之對曰吾由子事公孟子假吾名焉

故不吾遠也

杜言子借我以善名故公孟親近我。與音預又如字達于萬反

雖其不

善吾亦知之抑以利故不能去是吾過也今聞難而逃

是僭子也

杜使子言不信也。難乃旦反

子行事乎吾將死之以周事

子

周猶終竟也

而歸死於公孟其可也丙辰衛侯在平壽

平壽

衛下邑

公孟有事於蓋獲之門外

杜有事祭也蓋獲衛郭門

齊子氏帷

於門外

言齊豹先具帷設於蓋獲門外若今看位

而伏甲焉使祝鼂寘戈於

車薪以相從

謂要其前也。盡鳥媧反。

使一乘從公孟以出

杜亦如前車置

戈於薪尋其後。從如字又才用反。

使華齊御公孟宗魯驂乘及閔中

杜

中門中。華戶化反。下同。閔音宏。

齊氏用戈擊公孟宗魯以背蔽之斷

肱以中公孟之肩皆殺之公聞亂乘驅自閔門入

林閔

城名。斷丁管反。中丁仲反。

慶比御公公南楚驂乘使華寅乘貳車

杜公副車。比如字又昆志反。

及公宮鴻駟駟乘于公

鴻駟駟復就公乘一車四

人。駟音留。駟徒回反。

公載寶以出褚師子申遇公于馬路之衢

林馬路衢名。衢共俱反。

遂從

杜從公出。從才用反。

過齊氏使華寅肉袒執

蓋以當其闕

杜肉袒示不敢與齊氏爭執蓋蔽公而去闕空也以蓋當侍從空闕之處。袒徒早

反齊氏射公中南楚之背

林南楚驂乘故中其背。射食亦反

公遂出寅

閉郭門

不敢合追者出

踰而從公

杜踰郭出。從才用反又如字下同

公如死鳥

杜死鳥衛地

析朱鉏宵從竄出徒行從公

朱鉏成子黑背孫鉏仕居反竄音

豆齊侯使公孫青聘于衛

杜青頃公之孫

既出聞衛亂使請所

聘公曰猶在竟內則衛君也

林言衛侯猶在衛之竟內則猶為衛君未失國。竟

音境乃將事焉

杜將事行聘事

遂從諸死鳥請將事辭曰亡人不

佞失守社稷越在草莽吾子無所辱君命賓曰

林即公孫青

寡君命下臣於朝曰阿下執事

杜阿比也命已使比衛臣下

臣不敢

貳

杜貳違命也

主人曰君若惠顧先君之好照臨敝邑鎮撫

其社稷則有宗祧在

言受聘當在宗廟也。好呼報反

乃止

止不行聘事

衛

侯固請見之

杜敬與青相見

不獲命以其良馬見

杜以為相見之禮。見賢

通反為未致使故也

未致使故不敢以容禮見為于偽反使所吏反

衛侯以為

乘馬

杜喜其敬已故責其物乘繩證反又如字

賓將掇

杜掇行夜林青將行夜以助守備。

振側九反又祖侯反

主人辭曰亡人之憂不可以及吾子草莽之

中不足以辱從者敢辭賓曰寡君之下臣君之牧圉也

若不獲扞外役是不有寡君也

杜有相親有。從才用反扞戶旦反

臣懼

不免於戾請以除死

林請助夜行以除死罪

親執鐸終夕與於燎

設火燎以守備。與音預下同燎九召反

齊氏之宰渠子召北宮子

杜北宮喜也林

渠子為齊氏宰召之同叛

北宮氏之宰不與聞謀殺渠子遂伐齊氏

滅之丁巳晦公入與北宮喜盟于彭水之上

杜喜本與齊氏同謀

故公先與喜盟

秋七月戊午朔遂盟國人八月辛亥公子朝褚

師圍子玉霄子高魴出奔晉

皆齊氏黨

閏月戊辰殺宣姜

與公

子朝通謀故

衛侯賜北宮喜諡曰貞子

滅齊氏故

賜析朱鉏諡曰

成子

霄從公故

而以齊氏之墓予之

皆未死而賜諡及墓田傳終而言之

衛侯

告寧于齊且言子石

杜子石公孫青言其有禮

齊侯將飲酒徧賜大

夫曰二三子之教也

杜喜青敬衛侯

苑何忌辭曰與於青之賞

必及於其罰

杜何忌齊大夫言青若有罪亦當并受其罰。苑於元反

在康誥曰父

子兄弟罪不相及

杜尚書康誥

况在羣臣臣敢貪君賜以干

先王

杜言受賜則犯康誥之義

琴張聞宗魯死

琴張孔子弟子字子開名牢

將往

弔之仲尼曰齊豹之盜而孟縶之賊女何弔焉

杜言齊豹所以

為盜孟縶所以見賊皆由宗魯。女音汝

君子不食姦

知公孟不善而受其祿是食姦也

不

受亂

許豹行事是受亂也

不為利疚於曰

杜疚病曰邪也以利故不能去是病身於邪。

為于偽反疾居又反

不以曰待人

杜知難不告是以邪待人

不蓋不義

以周事豹是蓋

不不犯非禮

杜以二心事繫是非禮

○宋華向之亂公子城

平公

公孫忌樂舍

舍樂喜孫

司馬彊向宜向鄭

宜鄭皆向戌子

楚建

楚平王之

亡太

鄭甲

小邾穆公子鄭五兮反

出奔鄭

杜八子宋大夫皆公黨辟難出

其徒與

華氏戰于鬼閭

杜八子之徒衆也潁川長平縣西北有閭亭。閭似廉反又似冉反

敗子

城子城適晉

杜子城為華氏所敗別走至晉為明年子城以晉師至起本

華亥與其

妻必盥而食所質公子者而後食

林華亥與妻每日必盥手先食所質公子

而後敢食。盥
古緩反食音嗣

公與夫人每日必適華氏食公子而後

歸華亥患之

林亥以元公
數來為患

欲歸公子向寧曰唯不信故

質其子若又歸之死無日矣公請於華費遂將攻華氏

費遂大司馬華氏族。質音致下同費扶味反。對曰臣不敢愛死無乃求去憂

而滋長乎

杜言公欲攻華氏將以去其憂患也。恐殺太子而憂患益長。長丁丈反。

臣是以

懼敢不聽命公曰子死亡有命余不忍其詢

杜詢恥也。詢許侯

反冬十月公殺華向之質而攻之戊辰華向奔陳華登

奔吳

杜登費遂之子黨華向者

向寧欲殺太子華亥曰于君而出又

殺其子其誰納我且歸之有庸

可以為功善

使少司寇慝以

歸

杜以三公子歸公也慝華亥庶兄。少詩照反慝若耕反

曰子之齒長矣不能事

人

林謂慝之年齒已長不能出外服事他人

以三公子為質必免

杜質信也送公子歸

可以自明不叛之信。質如字

公子既入華慝將自門行

杜從公門去

公遽

見之執其手曰余知而無罪也入復而所

杜而女也所所居官

○

齊侯疥遂疢

杜疢瘡疾林疥當作疥字之誤也疢變為瘡疾也。疥音戒疢失廉反

期而

不瘳諸侯之賓問疾者多在

杜多在齊。期音基瘳勅留反

梁丘據與

齊款

二子齊嬖大夫

言於公曰吾事鬼神豐於先君有加矣今

君疾病為諸侯憂是祝史之罪也諸侯不知其謂我不

敬

林是大祝大史不能薦美以祈鬼神之祐也諸侯之國不知其由將謂我不能致敬鬼神以獲福佑

君

盍誅於祝固史囂以辭賓

杜欲殺囂固以辭謝來問疾之賓。囂魚巾反

公說

告晏子晏子曰日宋之盟

日在日也宋盟在襄二十七年。說音悅

屈建問

范會之德於趙武

林屈建即楚子木范會即晉士會范武子

趙武曰夫子之

家事治言於晉國竭情無私其祝史祭祀陳信不愧其

家事無猜其祝史不祈

杜家無猜疑之事故祝史無求於鬼神。猜才反

建以

語康王

杜楚王。語魚據反

康王曰神人無怨宜夫子之光輔五

君以為諸侯主也

杜五君文襄靈成景

公曰據與款謂寡人能事

鬼神故欲誅於祝史子稱是語何故

林言二子以我能事鬼神而不獲福

祐故欲誅祝史以懲不恪晏子乃稱范武子之德此何說也

對曰若有德之君外內

不廢

杜無廢事

上下無怨動無違事其祝史薦信無愧心矣

杜君有功德祝史陳說之無所愧

是以鬼神用饗國受其福祝史與焉

杜與受國福與音預下同

其所以蕃祉老壽者為信君使也其言

忠信於鬼神

林以其為誠信之君所使是以與受其福其所以告於鬼神者皆忠直誠信之言也

又為于偽反又如字下同

其適遇淫君外內頗邪上下怨疾動作辟

違從欲厭私

杜使私情厭足。頗普何反辟匹亦反從才用反下同或如字厭於豔反

高臺

深池

林極游觀之美

撞鐘舞女

林極聲色之樂

斬刈民力輸掠其聚

杜掠

奪取也林盡用民力如刈草管奪取民財如逢寇掠。刈魚廢反掠音亮

以成其違不恤後

人暴虐淫從肆行非度無所還忌

還猶顧也

不思謗讟不憚

鬼神怒民痛無悛於心其祝史薦信是言罪也

杜以實白

神是為言君之罪。悛七全反

其蓋失數美是矯誣也

杜蓋掩也數所主反

進退

無辭則虛以求媚

杜作虛辭以求媚於神

是以鬼神不享其國以

禍之祝史與焉所以天昏孤疾者為暴君使也其言僭

嫚於鬼神

林以其為暴虐之君所使是以與受其禍公其所以告於鬼神者皆不信欺嫚之言也

曰然則若之何對曰不可為也

言非誅祝史所能治

山林之木衡

鹿守之澤之萑蒲舟蛟守之藪之薪蒸虞侯守之海之

鹽蜃祈望守之

杜衡鹿舟蛟虞侯祈望皆官名也言公專守山澤之利不與民共。萑音丸蒸

之丞反鹿曰薪細曰燕蜃市軫反

縣鄙之人入從其政偏介之闕暴征

其私

杜介隔也迫近國都之闕言邊鄙既入服政役又為近闕所征稅枉暴奪其私物。政如字一音征

承嗣大夫強易其賄

杜承嗣大夫世位者。強其丈反

布常無藝

杜藝法制

也言布政無法制

徵歛無度宮室日更淫樂不違

違去也

內寵之

妾肆奪於市

杜肆放也

外寵之臣僭令於鄙

詐為教令於邊鄙

私欲

養求不給則應

林壁寵臣妾縱其私欲長養求覓所求不給則應之以罪

民人苦病

夫婦皆詛祝有益也詛亦有損

杜祝史禱祝若有所益夫婦詛祝亦有所損

詛莊慮反祝之又反下同

聊攝以東

杜聊攝齊西界也平原聊城縣東北有攝城

姑尤以

西

杜姑尤齊東界也姑水尤水皆在城陽郡東南入海

其為人也多矣雖其善祝

豈能勝億兆人之詛

杜萬萬曰億萬億曰兆

君若欲誅於祝史修

德而後可公說使有司寬政毀闕去禁

杜毀偏介之闕去梁澤之禁

說音悅

薄斂已責

杜除通責。責又作債音同

○十二月齊侯田于沛

林言疾愈行獵沛
澤名。沛音貝

招虞人以弓不進

虞人掌山澤之官

公使執

之辭曰昔我先君之田也旃以招大夫弓以招士皮冠

招虞人

林禮孤卿建旃故以旃招大夫詩翹翹車乘招我以弓故以弓招士諸侯服皮冠以田虞人掌

田獵故以皮冠招虞人

臣不見皮冠故不敢進乃舍之仲尼曰守

道不如守官

君招當往道之常也非物不進官之制也

君子韙之

韙是也

○齊

侯至自田晏子侍于遄臺子猶馳而造焉

林遄臺臺名杜子猶梁丘

據。遄市專反造七報反

公曰唯據與我和夫晏子對曰據亦同也

焉得為和公曰和與同異乎對曰異和如羹焉水火醯

醢鹽梅以烹魚肉燂之以薪

杜燂炊也。夫音扶。馬於虔反。燂章善反。

宰夫

和之齊之以味濟其不及以洩其過

林宰夫治庖之官。杜濟益也。洩減也。

○齊才細反。又如字。

君子食之以平其心

杜味和則心自平。

君臣亦然

杜亦

如君所謂可而有否焉

杜否不可也。

臣獻其否以成其可

杜獻

之否以成君可

君所謂否而有可焉臣獻其可以去其否是以

政平而不干民無爭心故詩曰亦有和羹既戒既平杜詩

頌殷中宗言中宗能與賢者和齊可否其政如羹敬戒且平和羹備五味異於大羹

醢餒餒無言時

靡有爭

杜醢總也。餒大也。言總大政能使上下皆如和羹。醢子工反。餒古雅反。

先王之濟

五味

杜濟成也

和五聲也以平其心成其政也

林聲味皆和故其心平其

心既平其政始成

聲亦如味

林齊和五聲亦如齊和五味

一氣

林樂須氣以動故氣居第

一二體

杜舞者有文武

三類

杜風雅頌

四物

杜雜用四方之物以成器

五聲

杜宮商角

羽 六律

黃鐘太簇姑洗蕤賓夷則無射也陽聲為律陰聲為呂此十二月氣

七音

杜宮商角徵羽

變宮變徵也周武王伐紂自午至子凡七日王因此以數合之以聲昭之故以七同其數以律和其聲謂之七

音 八風

林八方之風東北曰條風又名融風東方曰明庶風東南曰清明風南方曰景風又名凱風西

南曰涼風西方曰闔闔風西北曰不周風北方曰廣莫風

九歌

林九功之德皆可歌也六府三事謂之九

正德利用厚生謂之三事

以相成也

言此九者合然後相成為和樂

清濁小大短長疾徐哀樂剛柔遲速高下出入周疏以

相濟也

杜周密也。樂音洛下同。

君子聽之以平其心心平德和故

詩曰德音不瑕

杜詩幽風也義取心平則德音無瑕闕

今據不然君所謂

可據亦曰可君所謂否據亦曰否若以水濟水誰能食

之若琴瑟之專壹誰能聽之同之不可也如是飲酒樂

公曰古而無死其樂若何晏子對曰古而無死則古之

樂也君何得焉昔爽鳩氏始居此地

爽鳩氏少皞氏之司寇也

季荊

因之

季荊虞夏諸侯代爽鳩氏者。荊仕例反

有逢伯陵因之

逢伯陵殷諸侯姜姓

蒲

姑氏因之

蒲姑氏殷周之間代逢公者

而後大公因之古若無死

鳩氏之樂非君所願也

杜齊侯甘於所樂志於不死要子稱古以節其情願。大音泰

○鄭子產有疾謂子大叔曰我死子必為政唯有德者

能以寬服民其次莫如猛夫火烈民望而畏之故鮮死

焉水懦弱民狎而翫之

杜狎輕也。鮮息淺反

則多死焉故寬難

杜難以治

疾數月而卒大叔為政不忍猛而寬鄭國多盜取

人於萑苻之澤

萑苻澤名於澤中却人。萑音丸苻音蒲又如字

大叔悔之曰

吾早從夫子不及此興徒兵以攻萑苻之盜盡殺之盜

少止仲尼曰善哉政寬則民慢慢則糾之以猛

杜糾猶攝也

猛則民殘殘則施之以寬寬以濟猛猛以濟寬政事以

和詩曰民亦勞止汙可小康惠此中國以綏四方施之

以寬也

杜詩大雅汙其也康綏皆安也周厲王暴虐民勞於苛政故詩人刺之欲其施之以寬。汙詩

乙毋從詭隨

杜詭人隨人無正心不可從。從子用反

以謹無良

杜謹勅慎也式

遏寇虐慘不畏明糾之以猛也

杜式用也遏止也慘曾也言為寇虐曾不畏明

法者亦當用猛政糾治之。慘之感反

柔遠能邇以定我王平之以和也

杜柔安也邇近也遠者懷附近者各以能進則王室定

又曰不競不綌不剛不柔

杜詩殷頌言湯政得中和親強也。隸急也。練音求。

布政優優百祿是道

杜優優和也。道

聚也。道在由反。又子國反。

和之至也。及子產卒，仲尼聞之，出涕曰

古之遺愛也

杜子產見愛有古人之遺風

經

庚辰

二十有一年春王三月葬蔡平公。夏晉侯使士

鞅來聘

晉頃公即位通嗣君

○宋華亥向寧華定自陳入于宋南

里以叛

自外至故曰入據其邑故曰叛。南里宋城內里名。

○秋七月壬午朔日

有食之。○八月乙亥叔輒卒

叔弓之子伯張

○冬蔡侯朱出奔

楚

杜朱為太子則失位遂微弱為國人所逐故以自出為文林朱奔悼公東國立

○公如晉至

河乃復

晉人辭
公故還

傳二十一年春天王將鑄無射

周景王也無射鐘名
律中無射。射音亦冷

州鳩曰王其以心疾死乎

杜冷樂官州鳩其
名也。冷力丁反

夫樂天子

之職也

杜制禮作樂天
子職所當主

夫音樂之與也

樂因音
而行

而鐘音

之器也

音由器
以發

天子省風以作樂

杜省風俗作
樂以移之

器以鐘

之

鍾張也以
器張音

輿以行之

杜樂須
音而行

小者不窅

林小者不至
於窅細而不

滿。窅
化彫反

大者不楸

林大者不至於楸橫
而不入。楸戶化反

則和於物物和

則嘉成

林小大適均則能和物
物既平和則嘉樂告成

故和聲入於耳而藏於

心心億則樂

億安也。樂音洛。

窕則不咸，楸則不容，心是以感。

感實生疾，今鍾楸矣。王心弗堪，其能久乎？

林窕細則不充，滿於人心。

橫大則心不堪容，不滿不容，然後感於人心。心有所感，則隨所感而生七情之疾。今無射之鐘楸而橫大矣。王

心將不堪容，其能久居其位乎？杜為明年天王崩傳。咸如字，或作感，戶暗反。

○三月葬蔡平。

公蔡大子朱失位，位在卑。

杜不在適子位，以長幼齒。

大夫送葬者歸。

見昭子昭子問蔡故以告。

林大夫以大夫失位對。

昭子歎曰：蔡其

亡乎？若不亡，是君也，必不終。詩曰：不解于位，民之攸暨。

杜詩大雅暨，暨息也。林言不懈，息於其職位。民之所由安息也。解，佳黃反。暨，許器反。

今蔡侯始即。

位而適卑身將從之

林蔡侯即大子朱始即君位而長幼齒序位適在卑則其身將從之

而卑杜為蔡侯朱出奔傳

○夏晉士鞅來聘叔孫為政

叔孫昭子以三命為國政

季孫欲惡諸晉

杜憎叔孫在己上位欲使得罪於晉。惡為路反

使有司以齊

鮑國歸費之禮為士鞅

鮑國歸費在十四年宰禮各如其命數魯人失禮故為鮑國七

宰。費音秘

士鞅怒曰鮑國之位下其國小而使鞅從其宰

禮是卑敝邑也將復諸寡君

林言將告于晉君而討魯罪

魯人恐加

四宰焉為十一宰

言魯不能以禮事大國且為哀末年吳徵百宰起

○宋華費

遂生華軀華多僚華登軀為少司馬多僚為御士

杜公御士

○ 驅勒俱反
少詩照反

與驅相惡乃譖諸公曰驅將納亡人

杜亡人華

亥等。惡如
字又烏路反

亟言之公曰司馬以吾故亡其良子

杜司馬謂

費遂為大司馬良子謂華登
林前年奔吳。亟欺冀反

死亡有命吾不可以再亡

之對曰君若愛司馬則如亡

杜君若愛大司馬則當亡走失國

死如可

逃何遠之有

杜言亡可以逃死勿慮其遠以恐動公

公懼使侍人名司馬

之侍人宜僚飲之酒而使告司馬

杜告司馬使逐驅。飲於鳩反下同

馬歎曰必多僚也

林言此必多僚。譖諧之所為

吾有讒子而弗能殺

吾又不死抑君有命可若何乃與公謀逐華驅能使田

孟諸而遣之公飲之酒厚酬之

林元公既與費遂定謀乃飲華軀以酒厚以酒

幣侑

賜及從者司馬亦如之

杜亦如公賜從才用反

張句尤之

句張

華軀臣尤怪賜之厚。句古害反

曰必有故使子皮承宜僚以劍而訊

之

林訊問也子皮即華軀以劍脅宜僚下問其詳委

宜僚盡以告

杜告欲周田以遺之

張

句欲殺多僚子皮曰司馬老矣登之謂甚

杜言登亡傷司馬心已甚

吾又重之不如亡也五月丙申子皮將見司馬而行則

遇多僚御司馬而朝張句不勝其怒遂與子皮曰任鄭

翩殺多僚

杜任翩亦軀家臣。重直用反見賢通反勝音升任音壬

劫司馬以叛而

名亡人壬寅華向入樂大心豐愆華狎禦諸橫

杜梁國睢陽縣

南有橫亭。

愆起震反 華氏居盧門以南里叛

杜盧門宋東城南門

六月庚

午宋城舊廊及桑林之門而守之

杜舊廊故城也桑林城門名

○秋

七月壬午朔日有食之公問於梓慎曰是何物也禍福

何為

物事也

對曰二至二分

杜二至冬至夏至二分春分秋分

日有食之

不為災日月之行也分同道也至相過也

杜二分日夜等均曰同道

二至長短極故相過

其他月則為災陽不克也故常為水

陰侵陽是陽不

勝於是叔輒哭日食

意在於憂災

昭子曰子叔將死非所哭

也林非其所當哭而哭之精爽已逝矣八月叔輒卒林如昭子之言○冬十月華

登以吳師救華氏

登前年奔吳

齊烏枝鳴戍宋

林烏枝鳴齊大夫助宋戍

守

厨人濮曰

杜濮宋厨邑大夫

軍志有之先人有奪人之心後

人有待其衰

林先事而掩人者奪其心志也後事而勝人者待其衰竭也。先悉薦反後戶豆反

盍及其勞且未定也伐諸若入而固則華氏衆矣

林何不早

及吳師遠來之勞若且營壘未定先伐吳師若吳師得入南里為城以為固則華氏益以吳師不勝衆矣悔

無及也從之丙寅齊師宋師敗吳師于鴻口

杜梁國睢陽縣東有

鴻口

獲其二帥公子苦翎偃州員

二帥吳大夫。帥色類反翎古舍反員音

云又音圓

華登帥其餘

杜吳餘師

以敗宋師

林宋師特勝故華登復敗之

公欲

出

杜出奔

厨人濮曰吾小人可藉死

杜可藉使死難

而不能送亡

君請待之

請君待復戰決勝負。而不能送亡君絕句

乃徇曰揚徽者公徒

也

杜徽識也

衆從之

林衆從其言皆揚徽以自別

公自揚門見之

杜見國人皆揚

徽雖陽正東門名揚門

下而巡之曰國亡君死二三子之恥也豈

專孤之罪也

林言宋國若亡君死於難此大夫國人之所共恥也豈專孤一人之罪蓋元公以此

言激勸其衆

齊烏枝鳴曰用少莫如齊致死齊致死莫如去

備

杜備長兵也林言以少擊衆莫如齊致其死力齊致死力莫如去長兵用短兵

彼多兵矣請

皆用劔從之華氏北復即之杜北厨人濮以裳裹首而

荷以走曰得華登矣林厨人濮以下衣裹死人首而荷其首以走詐言得華登之首矣。

荷何可反又音何遂敗華氏于新里新里華氏所取邑翟僕新居于新

里既戰說甲于公而歸林翟僕新公臣杜居華氏地而助公戰。僕力主反說他活反

華姓居于公里亦如之杜姓華氏族故助華氏亦如僕新說甲歸傳言古之為軍不皆

小念。姓他口反十一月癸未公子城以晉師至城以前年奔晉今還救宋

曹翰胡曹大夫。翰音寒又戶旦反會晉荀吳中行穉子齊苑何忌齊大夫

衛公子朝前年出奔晉今還衛救宋丙戌與華氏戰于赭丘赭丘宋地

音者

鄭翩願為鶴其御願為鵝

杜鄭翩華氏黨 鶴皆陳名

子祿御

公子城莊董為右

杜子祿向宜 董音謹

干犖御呂封人華豹張

勻為右

杜呂封人華豹華 氏黨。犖尺由反

相遇城還華豹曰城也城怒

而反之

杜怒其呼 已反還戰

將注豹則闕矣

杜注傳矢闕引 弓。闕烏環反

曰平

公之靈尚輔相余

杜平公公子城之 父。相息亮反

豹射出其間

出子 城子

諫之間。射食亦 反又食夜反下同

將注則又闕矣曰不狎鄙

杜狎更也 林城謂豹

曰若不與我更 射則汝為鄙夫

抽矢

豹止 不射城射之殪

豹死。殪 一計反

張勻抽

爰而下

爰長丈二在車 邊。爰音殊

射之折股扶伏而擊之折軫

林 城

射張句折句之股張句力疾旬旬擊公子城折城車軫
。折之設反下同扶伏並如字又上音蒲北反或作匍

同 又射之死旬死 干犂請一矢林干犂棄豹車御求一矢恨死 城曰余言

女於君

欲活之。女音汝

對曰不死伍乘軍之大刑也

林同乘具伍死

則皆死今干犂同軍三人其二已死
故曰不死伍乘。乘繩證反下同

干刑而從子君焉

用之子速諸乃射之殪

犂又死。馬於度反

大敗華氏圍諸南里

華亥搏膺而呼

林膺習也。搏音博

見華貙曰吾為欒氏矣

林晉欒盈

還入作亂而死事在襄二十三年
言我舉事不成而死與欒氏同矣

貙曰子無我迂不幸

而後亡

林迂恐也言汝無恐我事至不幸而後奔亡未至死滅。迂求枉反

使華登如楚

乞師華軀以車十五乘徒七十人犯師而出

犯公師出
送華登

食於睢上哭而送之乃復入

杜入南里
睢音雖

楚遠越帥師將

逆華氏大宰犯諫曰

林犯楚大宰
。遠于委反

諸侯唯宋事其君

林言

諸侯之國皆有君臣之
亂惟宋猶能事其君

今又爭國釋君而臣是助無乃

不可乎王曰而告我也後既許之矣

杜為明年華
向出奔楚傳

○蔡

侯朱出奔楚費無極取貨於東國

杜東國隱大子之子
平侯廬之弟朱叔父

也而謂蔡人曰朱不用命於楚君王將立東國若不先

從王欲楚必圍蔡蔡人懼出朱而立東國朱愬于楚楚

子將討蔡無極曰平侯與楚有盟故封

盟于鄧依陳蔡人以圖

其

子有二心故廢之

杜子謂朱也

靈王殺隱天子其子與君同

惡

杜楚靈王殺蔡世子有在十一年平侯與公

言權在德君必

甚又使之不亦可乎且廢置在君蔡無他矣

言權在楚則蔡

無他公如晉及河鼓叛晉

杜晉克鼓在十五年

至晉

將伐鮮虞故辭公

杜將有軍事無暇於待諸侯故辭公歸

左傳杜林合注卷四十

欽定四庫全書

經部

左傳杜林合注卷四十五

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官中書_臣牛稔文

謄錄監生_臣趙寅

欽定四庫全書

左傳杜林合注卷四十一

明

王道焜

趙如源 同編

昭公八年

經二十有二年春齊侯伐莒○宋華亥向寧華定自

宋南里出奔楚

言自南里別從國去

○大蒐于昌間

無傳

○夏四月

乙丑天王崩

林景王崩王子猛立是為悼王是冬葬敬王立

六月叔鞅如京師

葬景王

林叔鞅叔弓子三月而葬亂故速林如京師止此

王室亂

杜承叔鞅言而書之未知

誰是故但曰亂林周亂不書書王室亂則天下無人紀矣昔者惠襄之世子頽亂卿執討之子帶亂晉討之春秋不書猶有臣子馮耳於是景王崩悼王即位既塋矣子朝欲篡子猛而立凡歷悼敬五年而後定而訖於快賊則天下無人紀矣 ○劉子單子以王猛居於皇

杜辟子朝難出居皇王猛書名

未即位林猛未踰羊稱王戒猛之為王以猛為宜立也是故春秋之誼苟宜立也則糾雖未得國成之為子糾

猛未得京師 ○秋劉子單子以王猛入於王城杜晉助成之為王猛

還王都林居於皇言失京師也八於王城言始得京師也 ○冬十月王子猛卒杜未即位

故不言崩證曰悼王其日王子猛卒未踰年也 ○十有二月癸酉朔日有食之

杜無傳此月有庚戌當為癸卯朔書癸酉誤

傳二十二年春王二月甲子齊北郭啓帥師伐莒

杜啓齊大

夫北郭佐之後

莒子將戰苑羊牧之諫

救之莒大夫

曰齊帥賤其求

不多不如下之

林言北郭啟非卿帥師所求於莒者不多不如卑下服齊勿與戰○帥所類反

大國不可怒也弗聽敗齊師於壽餘

莒地齊侯伐莒

杜怒敗

莒子行成司馬竈如莒蒞盟

杜竈齊大夫

莒子如齊蒞盟

於稷門之外

稷門齊城門也

莒於是乎大惡其君

為明年莒子來奔傳

○

楚遠越使告於宋

林遠越前年帥師救華氏故使人告於宋

曰寡君聞君有

不令之臣為君憂無寧以為宗羞

杜無寧寧也言華氏為宋宗廟之羞恥

寡君請受而戮之對曰孤不佞不能媚於父兄

華向公族也故

稱父兄

以為君憂拜命之辱抑君臣日戰君曰余必臣是

助亦惟命人有言曰惟亂門之無過

林兵亂之家無過其門○過古未反

君若惠保敝邑無亢不衷以獎亂人

林無為高亢不叶中正之事以獎助

叛亂之人孤之望也唯君圖之楚人患之

杜患宋以義距之

諸侯之

戍謀曰若華氏知困而致死楚恥無功而疾戰非吾利

也不如出之以為楚功

林死守則戍不可解疾戰則師或致敗不如解圍聽華向出奔

使楚人得取其救華氏之功

其亦無能為也已

言華氏不能復為宋患

救宋而

除其害又何求乃固請出之宋人從之己巳宋華亥向

寧華定華驅華登皇奄傷省臧士平出奔楚

杜華驅已下五子不

書非

宋公使公孫忌為大司馬

代華費遂

邊卬為大司徒

平卬

公曾孫代華定

樂祁為司城

杜祁子罕孫樂祁犂

仲幾為左師

幾仲江孫代向寧○

幾音基

樂大心為右師

代華

樂輓為大司寇

輓子罕孫○輓音晚以

靖國人

終梓慎之言三年而後弭

○王子朝賓起有寵於景王

杜景朝

王之長庶子賓起子朝之傅

王與賓孟說之欲立之

杜孟即起也王語賓孟欲立子

朝為大子劉獻公之庶子伯蚩事單穆公

杜獻公劉摯伯蚩劉狄穆公單旗○

釜扶粉反
又扶云反

惡賓孟之為人，也願殺之。又惡王子朝之言。

以為亂，願去之。

杜子朝有欲立之言，故劉釜惡之。

賓孟適郊，見雄雞，自

斷其尾，問之侍者曰：自憚其犧也。

畏其為犧，牲奉宗廟，故自殘毀。

遽歸。

告王，且曰：雞其憚為人用乎？人異於是。

杜雞犧雖見，寵飾然卒當見殺。

若人見寵飾，則當貴盛，故言異於雞。

犧者，實用，人人犧實，難已。犧何害？

杜言

設使寵人如寵犧，則不宜假人以招禍，難使犧在已，則無患害已。喻子朝欲使王早寵異之。

王弗應。

十五年，太子壽卒。王立子猛，後復欲立子朝，而未定。賓孟感雞，咸稱子朝。王心許之，故不應。

夏四月

王田北山，使公卿皆從，將殺單子劉子。

杜北山，洛北芒也。王知單劉不

從立子朝欲因田獵先殺之。○從才用反。王有心疾乙丑崩於榮錡氏。四月十九

日河南鞏縣西有榮錡澗。○錡魚奇反。戊辰劉子摯卒。二十二日卒無子單子

立劉盩。林盩獻公之庶子杜盩事單子故五月庚辰見王。見王猛。○見賢遍反遂

攻賓起殺之。杜黨子朝故盟羣王子于單氏。杜王子猛次王故單劉立之懼

諸王子或黨子朝故盟之。○晉之取鼓也。在十年既獻而反鼓子焉。杜獻

於又叛於鮮虞。杜叛晉屬鮮虞六月荀吳略東陽。略行也東陽晉之山東邑

魏郟廣平以北使師偽糴者。林使晉師詐為將販糴於鼓者負甲以息於昔陽

之門外。昔陽故肥子所都遂襲鼓滅之以鼓子鳶鞮歸使涉佗

守之

杜守鼓之地涉佗晉大夫○焉
悅全反疑丁兮反佗徒多反

○丁巳葬景王

子朝因舊官百工之喪職秩者與靈景之族以作亂

杜百

工百官也靈王景王
之子孫○喪息浪反

帥郊要餞之甲

杜三色周地○要
一逸反餞賤淺反

以逐劉子

逐伯
釜

壬戌劉子奔揚

揚周
邑

單子逆悼王于莊

宮以歸

杜悼王
子猛也

王子還夜取王以如莊宮

王子還子朝
黨也不欲使

單子得王
猛故取之

癸亥單子出

失王故
出奔

王子還與召莊公謀

杜莊

公召伯與子朝黨
也○召上照反

曰不殺單旗不捷

杜旗單
子也

與之重盟

必來背盟而克者多矣從之

杜從還謀也
○背音佩

樊頃子曰非

言也必不克

杜頃子樊齊單劉黨林王子還之謀非有德之言必不勝。頃音傾。

遂奉王

以追單子

杜王子還奉王

及領大盟而復

領周地欲重盟令單子劉子復歸

殺

摯寵以說

杜委罪於荒。說如字或音悅。

劉子如劉

杜歸其采邑

單子亡乙

丑奔于平時

杜平時周地知王子還欲背盟故亡走

羣王子追之

林羣王子黨子

朝來共追單子

單子殺還姑發弱驂延定稠

杜八子靈景之族因戰而殺之

子

朝奔京

其黨死故

丙寅伐之

單子伐京

京人奔由劉子入于王城

子朝奔京故得入

辛未鞏簡公敗績于京乙亥甘平公亦敗焉

杜甘鞏二公周卿士皆為子朝所敗

叔鞅至自京師

莖景王還

言王室之亂也

經所
以書
閔馬父曰子朝必不克其所與者天所廢也杜閔馬父

閔子馬魯大夫天所廢謂羣喪職秩者
單子欲告急於晉秋七月戊寅以

王如平時遂如圃車次于皇杜出次以示急戊寅七月三日經書六月誤也劉

子如劉單子使王子處守于王城杜王子處子猛黨守王城距子朝盟

百工于平宮杜平宮平王廟辛卯鄆矜伐皇鄆矜子朝黨大敗

獲鄆矜壬辰焚諸王城之市杜焚鄆矜八月辛酉司徒醜以

王師敗績于前城醜悼王司徒前城子朝所得邑百工叛司徒醜巳巳

伐單氏之宮敗焉杜百工伐單氏為單氏所敗庚午反伐之單氏反伐百工

辛未伐東園

杜百工所在洛陽東南有園鄉

冬十月丁巳晉籍談荀躒

帥九州之戎

杜九州戎陸渾戎十七年滅屬晉州鄉屬也五州為鄉。躒力狄反

及焦瑕

溫原之師

焦瑕溫原晉四邑

以納王于王城

丁巳在十月經書秋誤

庚申

單子劉蚩以王師敗績于郊

為子朝之黨所敗

前城人敗陸渾

于社

杜前城子朝眾社周地

十一月乙酉王子猛卒

乙酉在十一月經書十月

誤雖未即位周人諡曰悼王

不成喪也

釋所以不稱王崩

己丑敬王即位

王王子猛母弟王子勾

館于子旅氏

子旅周大夫

十二月庚戌晉籍談

荀躒賈辛司馬督

杜司馬烏

帥師軍于陰

籍談所軍

于侯氏

荀躒所軍

于谿泉

賈辛所軍鞏縣西南有明谿泉

次于社

司馬督所次

王師軍于汜于

解次于任人

杜王師分在三邑洛陽西南有大解小解。汜音凡解音蟹任音士

閏月晉

箕遺樂徵右行詭濟師取前城

三子晉大夫濟師渡伊洛。行戶郎反

軍

其東南王師軍于京楚辛丑伐京毀其西南

京楚子朝所在

經

壬午

二十有三年春王正月叔孫婁如晉

謝取邾師。婁勅略反

。

○癸丑叔鞅卒

無傳

○晉人執我行人叔孫婁

稱行人譏晉執使人

○晉人圍郊

杜討子朝也郊周邑圍郊在叔鞅卒前經書後從赴

○夏六月蔡侯

東國卒于楚

杜無傳未同盟而赴以名林悼侯卒弟昭公申立

○秋七月莒子

庚與來奔

林齊納郊公

○戊辰吳敗頓胡沈蔡陳許之師于

雞父

杜不書楚楚不戰也雞父楚地安豐縣南有雞備亭。父音甫。

胡子髡沈子逞滅

國雖存君死曰滅。髡若門反。

獲陳夏齧

杜大夫死生通曰獲夏齧徵舒立孫林夷狄交相敗不書

必敗中國而後書吳敗頓胡沈蔡陳許之師胡子髡沈子逞滅獲陳夏齧自及春秋未之有也。齧五結反。

○天王居于狄泉

杜敬王辟子朝也狄泉今洛陽城內大倉西南池水也時在城外林居于

狄泉言未得京師也於是王猛卒敬王即位即王猛之母弟句也居于狄泉謂之東王子朝入于王城謂之西

王書曰天王居于狄泉黜子朝也。

○尹氏立王子朝

杜尹氏周世卿也書尹氏立子朝明

非周人所欲立林此尹文公圍周世卿也書尹氏立王子朝猶曰尹氏所欲立也將以王天下獨尹氏立之則

莫之與矣王子不名惟卒名之非卒也而名之者賤也是故救衛書子突奔名子瑕立名子朝 ○八月

乙未地震 ○冬公如晉至河有疾乃復

傳二十三年春王正月壬寅朔二師圍郊二師王師晉師也王師不

書不告 癸卯郊鄆潰杜河南鞏縣西南有地名鄆中郊鄆二邑皆子朝所得 ○鄆音尋 丁

未晉師在平陰王師在澤邑平陰今河陰縣 王使告間林子朝敗故敬

王使人告間暇于晉 ○間音閑 庚戌還晉師還 ○邾人城翼翼邾邑 還將自

離姑杜離姑邾邑從離姑則道徑魯之武城 公孫鉏曰魯將御我鉏邾大夫 ○御

魚呂 欲自武城還循山而南杜至武城而還依山南行不欲過武城 徐鉏

丘弱茅地

三子邾大夫

曰道下

謂此山道下隰

遇雨將不出是不歸

也

林將阻雨水不能出是師不能歸也

遂自離姑

遂過武城

武城人塞其前

杜

兵塞其前道

斷其後之木而弗殊

杜殊絕也。斷丁管反。

邾師過之乃

推而蹙之

杜蹙仆也。及邾師既過斷木之地乃推斷木而蹙仆於地。

以絕邾師走路。蹙其月反。又

音厥遂取邾師獲鉏弱地

杜取邾師不書非公命。

邾人愬于晉晉人

來討叔孫婁如晉晉人執之書曰晉人執我行人叔孫

婁言使人也

嫌外內異故異發傳。使所更反。

晉人使與邾大夫坐

杜坐

直訟曲

叔孫曰列國之卿當小國之君固周制也

林禮卿得會伯

子男故曰當小國之君

邾又夷也

杜邾雜有東夷之風

寡君之命介子服回

在

子服回魯大夫為叔孫之介副

請使當之

林請使當邾大夫

不敢廢周制故

也乃不果坐韓宣子使邾人聚其衆將以叔孫與之

與邾

使執之

叔孫聞之去衆與兵而朝

示欲以身死

士彌牟謂韓宣

子

杜彌牟士景伯

曰子弗良圖而以叔孫與其讐叔孫必死之

魯亡叔孫必亡邾

林必滅邾以報此恥

邾君亡國將焉歸

杜時邾君在晉

若亡國無所歸將益晉憂○焉於虔反下同

子雖悔之何及所謂盟主討違

命也若皆相執焉用盟主

聽邾衆取叔孫是為諸侯皆得執相執

乃弗與

使各居一館

杜分別叔孫子服回

士伯聽其辭而愬諸宣子乃皆

執之

林士伯即士景伯。二子辭不屈故士伯愬而執之

士伯御叔孫從者四人

過邾館以如吏

欲使邾人見叔孫之屈辱。從才用反下同

先歸邾子士伯

曰以芻蕘之難從者之病將館子於都

林以刈芻草採薪蕘者之艱難

不易得魯之從者以此為病將改館叔孫於別都謂箕也

叔孫旦而立期焉

杜立待命也從

且至旦為期。期居其反

乃館諸箕舍子服昭伯於他邑

杜別因之范獻

子求貨於叔孫使請冠焉

杜以求冠為辭

取其冠法而與之兩

冠曰畫矣

杜既送作冠模法又進二冠以與之偽若不解其意

為叔孫故申豐以

貨如晉

欲行貨以免叔孫。為于偽反。

叔孫曰見我吾告女所行貨

林言

我當告汝以所行貨

見而不出

留申豐不使得出。不欲以貨免。

吏人之

與叔孫居於箕者請其吠狗弗與及將歸殺而與之食

之

示不愛

叔孫所館者雖一日必葺其牆屋

葺補治也

去之如

始至

不以當去而有所毀壞

○夏四月乙酉單子取訾劉子取牆

人直人

杜三邑屬子朝者嘗在河南鞏縣西南。嘗于斯反。

六月壬午王子朝入

于尹

林自京入尹氏之邑

癸未尹圉誘劉佗殺之

尹圉尹文公也。劉佗劉蚩族。敬

王黨。佗徒河反。

丙戌單子從阪道劉子從尹道伐尹單子先

至而敗劉子還

杜單子敗故

己丑召伯奭南宮極以成周人

戊尹

杜二子周卿士子朝黨奭召莊公

庚寅單子劉子樊齊以王如劉

杜辟子朝出居劉子邑

甲午王子朝入于王城次于左巷

杜近東城

秋

七月戊申鄆羅納諸莊宮

鄆羅周大夫鄆盼之子

尹辛敗劉師于

唐

杜尹辛尹氏族唐周地林敗敬王之師

丙辰又敗諸鄆甲子尹辛取西

闡

西闡周地

丙寅攻崩崩潰

林蒯敬王邑杜河南縣西南蒯鄉是也於是敬王居狄泉尹氏

立子朝

○莒子庚輿虐而好劔苟鑄劔必試諸人

林必以人試劔

觀其利鈍。好呼報反。

國人患之又將叛齊烏存帥國人以逐之

杜烏存
莒大夫

庚輿將出聞烏存執爨而立於道左懼將止死

爨長丈二而無
及○爨音殊

苑羊牧之曰君過之

牧之亦
莒大夫

烏存以力

聞可矣何必以弑君成名遂來奔齊人納郊公

郊公著
丘公之

子十四
年奔魯

○吳人伐州來楚遠越帥師

杜令尹以疾從戎
故遠越攝其事

及諸侯之師奔命救州來吳人禦諸鍾離子瑕卒楚師

燔

杜子瑕即令尹不起所疾也吳楚之間謂火滅為燔
軍之重主喪亡故其軍人無復氣勢○燔子潛反

吳公子光曰諸侯從於楚者衆而皆小國也畏楚而不

獲已是以來吾聞之曰作事威克其愛雖小必濟

○克
勝也

言軍事尚威若能克勝其愛雖小國必有成功

胡沈之君幼而狂

杜狂無常

陳大夫

鬻壯而頑頓與許蔡疾楚政楚令尹死其師燔帥賤多

寵政令不壹

杜帥賤遠越非正卿也軍多寵人政令不壹於越○帥所類反下同

七國同

役而不同心

杜七國楚頓胡沈蔡陳許

帥賤而不能整無大威命楚

可敗也若分師先以犯胡沈與陳必先奔三國敗諸侯

之師乃搖心矣諸侯乖亂楚必大奔請先者去備薄威

後者敦陳整旅

杜請在軍之前行者去其戰備薄其威嚴示之以不整而誘之也在軍之後列

者敦厚陳法整齊行列持之以整重而待之○陳直窺反下未陳同

吳子從之戊辰晦戰

于雞父

杜七月二十九日遣兵
忌晦戰擊楚所不意

吳子以罪人三千先犯

胡沈與陳

杜因徒不習
戰以示不整

三國爭之吳為三軍以繫於後

林此敦陳整
族之衆也

中軍從王

杜從
吳王

光帥右掩餘帥左

掩餘吳
王壽夢

子吳之罪人或奔或止

林言不
整也

三國亂

林三國爭
之故紛亂

吳師

擊之三國敗獲胡沈之君及陳大夫舍胡沈之囚使奔

許與蔡頓曰吾君死矣師譟而從之三國奔

杜三國許
蔡頓。譟

素報
反

楚師大奔書曰胡子髡沈子逞滅獲陳夏鬻君臣

之辭也

杜國君社稷之主與宗廟共其存亡
者故稱滅大夫輕故曰獲獲得也

不言戰楚

未陳也

嫌與陳例相涉故重發之

○八月丁酉南宮極震

經書乙未地動魯地

也丁酉南宮極震周地亦震也為屋所壓而死

長弘謂劉文公曰君其勉之先

君之力可濟也

杜文公劉蚡也先君謂蚡之父獻公也獻公亦欲立子猛未及而卒

周之

亡也其三川震

杜謂幽王時也三川涇渭洛水也地動川岸崩

今西王之大臣

亦震天棄之矣

杜子朝在王城故謂西王

東王必大克

敬王居狄泉在王城之東

故曰○楚太子建之母在耶

耶耶陽也平王娶秦女廢太子建故母歸其家○耶

古間反

召吳人而啟之冬十月甲申吳太子諸樊入耶

杜諸

樊吳王僚之太子林案吳子遏號諸樊王僚是遏之弟子先儒又以為過弟何容僚子乃取過號為名恐傳寫

誤耳未詳

取楚夫人

杜大子建母

與其寶器以歸楚司馬遠越追

之不及將死衆曰請遂伐吳以徼之

杜徼要其勝負

遠越曰再

敗君師死且有罪

此年秋敗於雞父設往復敗為再敗

亡君夫人不可以

莫之死也乃縊於遠澐

遠澐楚地澐市制反

○公為叔孫故如

晉及河有疾而復

此年春晉為邾人執叔孫故公如晉謝之○為丁偽反

○楚囊

瓦為令尹

杜囊瓦子囊之孫子常也代陽句

城郢

楚用子囊遺言已築郢城矣今畏吳復增

修以自固○郢以井反

沈尹戌曰子常必亡郢苟不能衛城無益

也古者天子守在四夷

林德及遠方故四夷不侵皆為之守衛○守手又反下同天

子卑守在諸侯

杜政卑損林四夷交侵故藉諸侯以為守衛

諸侯守在四鄰

林親仁善鄰故鄰國不侵皆為之守衛

諸侯卑守在四竟

林鄰國交侵故完四竟以自守

衛○竟音境下同

慎其四竟結其四援

杜結四鄰之國為援助

民狎其野

狎安習也

三務成功

杜春夏秋三時之務

民無內憂而又無外懼國焉

用城

林為之民者內無盜賊之憂外無敵國之懼國都之內安用修城以為固○焉於虔反

今吳

是懼而城於郢守已小矣卑之不獲能無亡乎

林卑損之極不

得守其四境能不亡其國都乎

昔梁伯溝其公宮而民潰

在僖十年

民棄

其上不亡何待夫正其疆場修其土田險其走集

杜走集邊

竟之壘辟。○親其民人。林使其相親相愛明其伍候。杜

民有部伍。相為候望。信其鄰國。慎其官守。守其交禮。杜交接之禮不僭。

不貪。林守其誠信尚其廉恥不懦不耆。杜懦弱也耆強也。者巨之反又且支反完其

守備以待不虞。又何畏矣。詩曰：無念爾祖，聿修厥德。杜

大雅無念念也。聿述也。義取。念祖考則述治其德以顯之。無亦監乎若敖蚡冒至于

武文。林若敖楚八世祖蚡冒楚十世祖杜四君皆楚先君之賢者。蚡扶粉反土不過同。方

里為一同言。未滿一圻。慎其四竟。猶不城郢。今土數圻。杜方千里為圻。數

所主。而郢是城不亦難乎。言守若是難以為安也。為定四年吳入楚傳

經癸未二十有四年春王二月丙戌仲孫矍卒無傳孟僖子也。矍

俱縛反徐 ○ 媯至自晉喜得赦歸 ○ 夏五月乙未朔日俱碧反

有食之。○ 秋八月大雩。○ 丁酉杞伯郁釐卒杜無傳未同盟而赴

以名丁酉九月五日有日無月。平公卒子悼公成立。○ 釐力之反又音來。 ○ 冬吳滅巢楚邑

也書滅 ○ 葬杞平公無傳

傳二十四年春王正月辛丑召簡公南宮嚳以甘桓公

見王子朝杜簡公名莊公之子名伯盈也。嚳南宮極之子桓公甘平公之子。○ 見賢遍反。 劉子

謂萇弘曰甘氏又往矣對曰何害同德度義杜度謀也言惟同心

同德則能謀義子朝不能於我無害○度待洛反

大誓曰紂有億兆夷人亦有

離德

杜言紂衆億兆兼有四夷不能同德終敗亡

余有亂臣十人同心同德

杜武王言我有治臣十人雖少同心也今大誓無此語

此周所以興也君其務德

無患無人

林君謂劉文公

戊午王子朝入于鄔

杜繼氏西南有鄔聚言子朝稍

強○鄔烏戶反

○晉士彌牟逆叔孫于箕

將禮而歸之

叔孫使梁其

踉待于門內

杜踉叔孫家臣○踉戶走反

曰余左顧而效

林效逆氣聲○效苦

代乃殺之

杜疑士伯來殺已故謀殺之

右顧而笑乃止叔孫見士伯

士伯曰寡君以為盟主之故是以久子

杜久執子以謝邾

不腆

敝邑之禮將致諸從者使彌牟逆吾子叔孫受禮而歸

二月媯至自晉尊晉也

媯媯族所以尊晉媯行人故不言罪已○從才用反

○三

月庚戌晉侯使士景伯涖問周故

涖臨也就問子朝敬王知誰曲直

士

伯立于乾祭而問於介衆

乾祭王城北門介大也○乾音干祭側界反

晉人

乃辭王子朝不納其使

林衆言子朝曲故辭之不納子朝之使○使所吏反

○夏

五月乙未朔日有食之梓慎曰將水

陰勝陽故曰將水

昭子曰

旱也日過分而陽猶不克克必甚能無旱乎

林五月建辰故日已

過春分之節杜過春分陽氣盛時而不勝陰陽將振出故為旱

陽不克莫將積聚也

杜

氣莫然不動乃將積

○六月壬申王子朝之師攻瑕及

聚○陽不克莫絕句

○鄭伯如晉子大叔相見范獻子獻子

杏皆潰杜瑕杏敬王邑

曰若王室何對曰老夫其國家不能恤敢及王室

林老夫子

大叔自稱言我有鄰國不能憂恤不敢及王室之事○相息亮反

抑人亦有言曰嫫不

恤其緯

杜嫫寡婦也織者常苦緯寡婦所宜憂○嫫力之反

而憂宗周之隕為

將及焉

杜恐禍及已

今王室實蠢蠢焉

蠢蠢動擾貌○蠢昌允反

吾小國

懼矣然大國之憂也吾儕何知焉吾子其早圖之詩曰

茀之罄矣惟嚙之恥

杜詩小雅嚙大罍瓶小罍常粟於嚙者而所受罄盡則嚙為無餘故

之取王室之不寧晉之恥也獻子懼林范鞅恐諸侯以義責已而與宣

子圖之

杜宣子韓起

乃徵會於諸侯期以明年

為明年會黃父傳

○

秋八月大雩旱也

杜終如叔孫之言

○冬十月癸酉王子朝用

成周之寶珪于河

杜禱河求福

甲戌津人得諸河上

珪自陰出

不佞以溫人南侵

不佞敬王大夫晉以溫人助敬王南侵子朝

拘得玉者取

其玉將賣之則為石王定而獻之

林及敬王定位不佞以珪來獻

與之

東訾

杜喜得玉故與之邑鞏縣西南訾城是也○訾子斯反

○楚子為舟師以略

吳疆

略行也行吳界將侵之○疆居良反

沈尹戌曰此行也楚必亡邑不

撫民而勞之吳不動而速之

杜速名也

吳踵楚

杜躡楚踵跡

而疆

場無備邑能無亡乎越大夫胥犴勞王於豫章之汭

杜汭

水曲○犴五旦反勞力報反

越公子倉歸王乘舟

杜歸遺也○歸如字又其槐反乘繩

證反又如字

倉及壽夢帥師從王

杜壽夢越大夫○夢莫公反

王及圉陽

而還

杜圉陽楚地

吳人踵楚而邊人不備遂滅巢及鍾離而還

杜鍾離不書告敗略

沈尹戌曰亡郢之始於此在矣王壹動而亡

二姓之帥

杜二姓之帥守巢鍾離大夫○帥所類反

幾如是而不及郢詩曰

誰生厲階至今為梗

杜詩大雅厲惡階道梗病也○幾居豈反又音機

其王之

謂乎

為定四年
吳人郢傳

經

甲申

二十有五年春叔孫婁如宋。夏叔詣會晉趙鞅

宋樂大心衛北宮喜鄭游吉曹人邾人滕人薛人小邾

人于黃父

林傳言謀王室也於是天王謂之東王子朝謂之西王晉侯使蒞問周故期以明年而後

為黃父之會又明年而荀躒趙鞅之師出是故天王書出入而晉師克鞏不書書克鞏是討子朝也。詣五計

反

○有鸛鵒來巢

此鳥穴居不在魯界故曰來巢。非常故書。鸛其俱反鵒音欲。

○秋

七月上辛大雩季辛又雩

季辛下旬之辛也言又重上事

○九月己亥

公孫于齊次于陽州

杜諱奔故曰孫若自孫讓而去位者陽州齊魯竟上邑未敢直前故

次于竟林公行書次自莊以來未之有也於是再見其再見何以昭公之大國不可不詳其所如禮也○孫音

遜傳 齊侯唁公于野井杜濟南祝阿縣東有野井亭齊侯來唁公公不敢遠勞故逆之

往至野井杜公不與小斂而○唁音彥書日者公在外非

無恩杜陳留外黃縣○十有一月己亥宋公佐卒于曲棘城中有曲棘里

宋地未同盟而赴以名○取鄆○十有二月齊侯取鄆以居

元公卒于景公頭曼立公也○取鄆

傳二十五年春叔孫婣聘于宋桐門右師見之右師樂大心居

桐門語卑宋大夫而賤司城氏杜司城樂氏之大宗昭子也早賤謂其才德薄

告其人曰右師其亡乎君子貴其身而後能及人是以

有禮

唯禮可以貴身
貴身故尚禮

今夫子卑其大夫而賤其宗是賤

其身也

賤人人
亦賤己

能有禮乎無禮必亡

為定十年樂
大心出奔傳

宋公

享昭子賦新宮

逸詩

昭子賦車轄

杜詩小雅周人思得賢
女以配君子昭子將為

季孫迎宋公女故賦之
○轄本又作合胡轄反

明日宴飲酒樂宋公使昭子右

坐

杜坐宋公右以相近
言改禮坐○樂音洛下同

語相泣也

林相與語
而皆泣下

樂祁佐

助宴禮

退而告人曰今茲君與叔孫其皆死乎吾聞之哀

樂

可樂而哀

而樂哀

可哀而樂

皆喪心也心之精爽是謂魂魄

林精

血也。爽明也。心之精血屬陰為魄。心之神明屬陽為魂。喪息浪反。下同。魂魄去之何以能

父。為此冬叔孫季公若之姊為小邾夫人。杜平子庶姑與公若同母

故曰公生宋元夫人。杜宋元夫人平子之外姊生子。林宋元夫人生女以妻

季平子昭子如宋聘且逆之。杜平子人臣而因卿逆季氏強橫。妻七計反。公

若從。杜從昭子。○從才用反。又如字。謂曹氏。林曹氏即宋元夫人曹小邾姓也。勿與。林

與魯將逐之。林言魯人將逐季平子曹氏告公告樂祁樂祁曰

與之如是魯君必出。林若果欲逐季氏魯君必失其國政在季氏三世

矣。林文子武子平子魯君喪政四公矣。林宣成襄昭無民而能逞其

志者未之有也國君是以鎮撫其民詩曰人之云亡心

之憂矣

杜詩大雅言無人則憂患至

魯君失民矣焉得逞其志靖以

待命猶可動必憂

林安靖以待天命猶可無事逆時而動必致憂患杜為下公孫傳○焉於

度反○夏會于黃父謀王室也

杜王室有子朝亂謀定之

趙簡子令諸

侯之大夫

杜簡子趙鞅

輸王粟具戍人

林輸粟米以供王具人徒以戍周

曰

明年將納王

林納王於王城

子太叔見趙簡子簡子問揖讓周

旋之禮焉對曰是儀也非禮也簡子曰敢問何謂禮對

曰吉也聞諸先大夫子產曰

林時子產已死故稱先大夫此曰字以下並舉子產

之言夫禮天之經也

經者道之常

地之義也

義者利之宜

民之行也

○行者人所履

天地之經而民實則之

林天經地義其實一理故總而言之

謂天地之經民生天地間必以天地為法則

則天之明

日月星辰天之明也

因地之性

高下剛柔地之性也

生其六氣

杜謂陰陽風雨晦明

用其五行

杜金木水火土

氣為

五味

杜五行之氣適口養體為酸鹹辛苦甘之味

發為五色

杜青黃赤白黑發見也

章

為五聲

杜宮商角徵羽

淫則昏亂民失其性

杜滋味聲色過則傷性

是故

為禮以奉之

杜制禮以奉其性

為六畜

馬牛羊雞犬豕。畜許又反又楮六反

五

牲麋鹿麇

三犧

祭天地宗廟三者謂之犧

以奉五味

林凡此所以奉成五味之用也

為九文

謂山龍華蟲藻火粉米黼黻也華若草華藻水草火畫火粉米若白米黼若斧黻若兩已相戾

傳曰火龍黼黻

六采

杜畫績之事雜用天地四方之色青與白赤與黑玄與黃皆相次謂之六

色五章以奉五色

杜青與赤謂之文赤與白謂之章白與黑謂之黼黑與青謂之黻五色備

謂之黼集此五章以奉成五色之用

為九歌八風七音六律以奉五聲

杜解

見二十年林凡此所以奉成五聲之用也

為君臣上下以則地義

君臣有尊卑法地有

高下為夫婦外內以經二物

杜夫治外婦治內各治其物林物事也以治內外經常之

事為父子兄弟姊妹甥舅昏媾姻亞以象天明

杜六親和睦以

事嚴父若衆星之共辰極也妻父曰昏重昏曰媾婿父曰姻兩婿相謂曰亞

為政事庸力行

務以從四時

杜在君為政在臣為事民功曰庸治功曰力行其德教務其時要禮之本也林以順

從春耕夏耘秋收冬藏之事

為刑罰威獄使民畏忌以類其震曜殺

戮

雷震電曜天之威也聖人作刑戮以象類之

為溫慈惠和以效天之生殖

長育

林春生夏長天之恩也聖人施恩惠以效法之○長丁文反

民有好惡喜怒哀

樂生于六氣

杜此六者皆稟陰陽風雨晦明之氣○好呼報反惡烏路及樂音洛下皆同

是

故審則宜類

林審其法則宜其象類

以制六志

為禮以制好惡喜怒哀樂六志使不

節過

哀有哭泣樂有歌舞喜有施舍怒有戰鬥喜生於好

怒生於惡是故審行信令禍福賞罰以制死生生好物

也死惡物也好物樂也惡物哀也哀樂不失乃能協於

天地之性是以長久

杜或哀或樂不失其正乃能則天因地和叶于陽生陰殺之性故能

參天地與之長久

簡子曰甚哉禮之大也對曰禮上下之紀天

地之經緯也

杜經緯錯居以相成者林天地以禮而成位猶織以經緯而成文也

民之所

以生也

林民有禮則安無禮則危所資以生者也

是以先王尚之故人之能

自曲直以赴禮者謂之成人大不亦宜乎

林人性之曲者自以禮弼

之使就於直人性之直者自以禮弼之使就於曲能如此者而後謂之成人禮之所以為大宜也

簡子

曰鞅也請終身守此言也

杜鞅能守此言故終免於晉陽之難

宋樂大心

曰我不輸粟我於周為客

杜二王後為賓客

若之何使客晉士

伯曰自踐土以來

踐土在僖二十八年

宋何役之不會而何盟之

不同曰同恤王室子焉得辟之子奉君命以會大事而

宋背盟無乃不可乎右師不敢對受牒而退

杜右師樂大心林受

輸粟之牒命而退。馬於度反背音佩下同。

士伯告簡子曰宋右師必亾奉

君命以使之欲背盟以干盟主無不祥大焉

言不善無大此者為

定十年宋樂大心出奔傳。使所吏反。

○有鸚鵡來巢書所無也師已曰

異哉吾聞文武之世童謠有之

杜師已魯大夫。已音紀又音祀。

曰鸚

之鶴之

林鶴鶴二字分言之取其韻叶

公出辱之

言鶴鶴來則公出辱也

鸛鶴之

羽

林羽飛貌

公在外野往饋之馬

杜饋遺也林季平子每歲賈馬饋之

鸛鶴跣

跣公在乾侯

跣跣跳行貌。跣張于反又張留反

徵褰與襦

林徵求也褰袴也襦內衣

也言平子每歲歸從者之衣屨。褰起屨反又音愆襦而朱反

鸛鶴之巢遠哉遙遙

杜言

其遠而又遠

裋父喪勞宋父以驕

裋父昭公死外故喪勞宋父定公代立故以驕。裋

直留外父音甫喪息浪反

鸛鶴鸛鶴往歌來哭

林重呼鸛鶴傷之甚杜昭公生出歌死

還童謠有是今鸛鶴來巢其將及乎

杜將及禍也

○秋書再

雩旱甚也

杜傳言再雩以旱甚故非過時旱祭也

○初季公鳥娶妻於齊

鮑文子生申

杜公鳥季公亥之兄平子庶叔父林申公鳥之子鮑女所生也

公鳥死季

公亥與公思展與公鳥之臣申夜姑相其室

杜公亥即公若也展

季氏族相治也。夜本或作射音夜又音亦相息亮反

及季如與饗人檀通

杜季如公

鳥妻鮑文子女饗人食官。檀直丹反人名也

而懼

林懼公若公思展申夜姑討之

乃使其妾

扶已

林扶朴也。扶勅乙反

以示秦邁之妻

秦邁魯大夫妻公鳥妹秦姬也。邁市專

反

曰公若欲使余

林言公若欲使我以非禮

余不可而扶余又訴於

公甫

杜公甫平子弟

曰展與夜姑將要余

杜要劫我以非禮。要一遙反下同

秦

姬以告公之

杜公之亦平子弟

公之與公甫告平子平子拘展

於下而執夜姑將殺之公若泣而哀之曰殺是是殺余

也杜公若哀夜姑無罪而泣下言若殺夜姑與殺我無異蓋公若與夜姑共相公鳥之室故欲當其罪將

為之請平子使豎勿內林豎小臣也季平子不欲面拒公若戒小豎勿內公若之謁

偽為日中不得請有司逆命執夜姑之有司欲迎受殺生之命公之使

速殺之故公若怨平子季郈之雞鬪季平子郈昭伯二家相近故雞鬪

郈音后季氏介其雞擣芥子播其羽也或曰以膠沙播之為介雞郈子為之金

距平子怒杜怒其不下已益宮於郈氏杜侵郈氏室以自益且讓之杜讓責也

故郈昭伯亦怨平子臧昭伯之從弟會昭伯臧為子○從才用反後從

者皆為讒於臧氏而逃於季氏臧氏執旃平子怒拘臧

氏老林事見此年冬十一月傳旃之也將禘於襄公萬者二人其眾萬

於季氏杜禘祭也萬舞也於禮公當三十六人林孔子謂季氏八佾舞於庭恐亦指此事臧孫

曰此之謂不能庸先君之廟不能用禮也蓋襄公別立廟大夫遂怨

平子公若獻弓於公為杜公為昭公子務人且與之出射於外而

謀去季氏公為告公果公責果責皆公為弟。責音奔又扶云反公果公

責使侍人僚祖告公公寢將以戈擊之林昭公伴怒將以戈擊僚祖

祖側乃走公曰執之亦無命也杜獨言執之無勅命懼而不出數

月不見公不怒又使言

林果責又使僚祖如前言之。見賢遍反。

公執戈以

懼之乃走又使言公曰非小人之所及也

杜謂僚祖為小人

公

果自言

林公果知公意順乃自進言

公以告臧孫臧孫以難

杜言難逐。難

如告邠孫邠孫以可勸

林邠昭伯以季氏為可逐勸昭公逐季氏。邠孫以可絕句。

告子家懿伯

杜子家羈莊公之玄孫

懿伯曰讒人以君徼幸事若

不克君受其名

杜受惡名

不可為也舍民數世以求克事不

可必也且政在焉其難圖也

林言魯君失其民心已數世矣今以此求勝事不可

必其勝負且魯國之政在季氏難為圖度也。舍音捨。

公退之

杜退

辭曰臣與聞

命矣言若洩臣不獲死乃館於公

杜恐受洩命之罪故留公宮以自明。與

音預叔孫昭子如闕

闕魯邑。闕口暫反。

公居於長府

杜官府名

九月戊

戌伐季氏殺公之于門遂入之平子登臺而請曰君不

察臣之罪使有司討臣以干戈

杜言魯君不察臣罪之有無遽使以兵見討

臣請待於沂上以察罪弗許

杜魯城南自有沂水平子欲出城待罪也大沂水出

蓋縣南至下邳入泗

請囚于費弗許請以五乘亡弗許子家子曰

君其許之政自之出久矣隱民多取食焉

杜隱約窮困乘繩證反

為之徒者衆矣日入慝作弗可知也

杜慝奸惡也日冥姦人將起叛君助

季氏不可知季氏不衆怒不可蓄也林季氏之衆皆懷怒君蓄而弗

治將藎

杜藎積也林將蓄積而生變藎紆粉反

藎蓄民將生心

林積其所聚之怒則

民將生異心

生心同求將合

林與季氏同求叛君者將合其謀

君必悔之弗

聽郈孫曰必殺之

林言必殺季平子

公使郈孫逆孟懿子

杜懿子仲

孫何忌

叔孫氏之司馬轅戾言於其衆曰若之何莫對

衆疑

助所又曰我家臣也不敢知國凡有季氏與無於我孰利

林言我輩乃私家之臣不敢知國家之利害凡魯國之有季氏與魯國之無季氏二者於叔孫氏孰利

皆

曰無季氏是無叔孫氏也

林言二家同功一體若無季氏唇亡齒寒是無叔孫氏也

驂戾曰然則救諸帥徒以往陷西北隅以入杜陷公圍也公

徒釋甲執冰而踞

杜言無戰心也冰積九蓋或云積九是箭筈其蓋可以取飲

遂逐

之逐公徒孟氏使登西北隅以望季氏見叔孫氏之旌以

告

林孟懿子亦疑所助使登高望季氏觀勝負見叔孫氏之旌旗已往季氏候望之人以告孟孫

孟氏

執郈昭伯殺之於南門之西

林昭伯時往迎孟懿子故就執之

遂伐公

徒子家子曰諸臣偽劫君者而負罪以出君止

林諸臣謂公若

等偽若劫昭公以伐季氏者負罪出奔使若非公本意若自可止不出

意如之事君也不

敢不改

杜意如季平子名

公曰余不忍也與臧孫如墓謀

杜辭先君

且謀所奔

遂行己亥公孫於齊次於陽州齊侯將唁公於平

陰公先至於野井齊侯曰寡人之罪也使有司徒於平

陰為近故也

林弔失國曰唁平陰齊地杜齊侯自咎本不勅有司徒詣陽州而欲近會於平陰故

令魯侯過境先至野井遠見迎逆自咎以謝公○為于偽反

書曰公孫於齊次於陽

州齊侯唁公於野井禮也

林得下人之禮

將求於人則先下之

禮之善物也

杜物事也謂先往至野井

齊侯曰自莒疆以西請致千

社

社二十五家為社千社二萬五千家欲以給公

以待君命

杜待君伐季氏之命

寡人將

帥敝賦以從執事唯命是聽君之憂寡人之憂也公喜

子家子曰天祿不再天若祚君不過周公以魯足矣失

魯而以干社為臣誰與之立

林言天之福祿不可再得天若報君以祿不能過於

非周公周公止封於魯則以魯封君足矣今失魯國而以二萬五千家之封為齊之臣則從亡者皆將棄公而

去誰與之共立哉

且齊君無信不如早之晉弗從臧昭伯率從

者將盟載書曰戮力壹心好惡同之信罪之有無

信明也處

者有罪從者無罪

繾繾從公無通外內

杜繾繾不離散林外言不入內言不出無得交

通。繾音遣。繾起阮反。

以公命示子家子子家子曰如此吾不可

以盟羈也不佞不能與二三子同心

林羈子家子名二三子謂從亡者言

不能與之同其好惡而以為皆有罪從者陷君留者或欲通內外

林或欲通外內且欲去君杜去君僞負罪出二三子好

亡而惡定焉可同也林諸從亡者好出奔而惡歸國安

反焉於陶君於難罪孰大焉度反通外內而去君君將速入

弗通何為而何守焉乃不與盟林通外內之言而僞負

不通外內果欲何為何必守公昭子自闕歸見平子平

子稽顙曰子若我何林言叔孫何昭子曰人誰不死子

以逐君成名子孫不忘不亦傷乎將若子何平子曰苟

使意如得改事君所謂生死而肉骨也

林言叔孫苟能使我得改心以

事君是我已死而得生枯骨而復肉也。稽音啟

昭子從公于齊與公言

林以平子

悔過之意與昭公言

子家子命適公館者執之

林恐從者知叔孫謀故命執適公館

者公與昭子言於幄內曰將安衆而納公杜昭子請公

徒將殺昭子伏諸道

林伏兵於道

左師展告公

杜展魯大夫

公使

昭子自鑄歸

杜辟伏兵

平子有異志

不欲復納公

冬十月辛酉昭

子齊於其寢使祝宗祈死戊辰卒

杜恥為平子所欺因祈而自殺。齊側皆

反左師展將以公乘馬而歸公徒執之

林乘騎也欲與昭公騎馬輕歸

○乘如字 ○壬申尹文公涉于鞏焚東訾弗克杜文公朝黨於鞏縣涉

洛水也東訾敬王邑林楚以火攻也 ○十一月宋元公將為公故如晉杜請

納公○為 夢太子欒即位於廟已與平公服而相之杜太

于偽反 子欒元公太子也已元公也平公元公父也元公夢太子欒即位於宋廟已與平公朝服而輔相之○相息亮

反 旦召六卿公曰寡人不佞不能事父兄杜父兄謂華向 以為

二三子憂寡人之罪也若以羣子之靈獲保首領以歿

唯是楸柎所以藉幹者楸柎棺中琴牀也幹骸骨也。楸蒲田反柎步口反又音附

請無及先君欲自貶揖 仲幾對曰君若以社稷之故私降昵

宴羣臣弗敢知

林仲幾宋大夫杜昵近也降昵宴謂揖親近聲樂飲食之事

若夫宋

國之法死生之度

林送死事生之法度

先君有命矣羣臣以死守

之弗敢失隊臣之失職常刑不赦臣不忍其死

林臣不忍曠禮

廢法自速死罪

○隊直類反

君命祇辱

杜言君命必不行祇適也。祇音支

宋公遂行

己亥卒于曲棘

為明年梁丘據語起本

○十二月庚辰齊侯圍鄆

欲取以居公不書圍鄆人自服不成圍

○初臧昭伯如晉臧會竊其寶龜

僂句

林臧會昭伯從弟杜僂句龜所出地名。○僂力主反又力具反句居其反

以下為信與

僭

林僭不信也以卜所為誠信與不信之事

僭吉臧氏老將如晉問

問昭伯起居

會請往

杜代家老行

昭伯問家故盡對

故事也

及內子與母弟

叔孫則不對

杜內子昭伯妻不對若有他故

再三問不對歸

林昭伯自晉歸及

郊會逆問又如初

言又不對

至次於外而察之皆無之

林昭伯懷

疑不入其家乃次舍於外而察其有無皆無他故

執而戮之逸奔郕郕假使

為賈正焉

杜郕在東平無鹽縣東南鮎假郕邑大夫賈正掌貨物使有常價若市吏。鮎音房賈音

嫁

計於季氏

杜送計簿於季氏

臧氏使五人以戈楯伏諸桐汝

之間

林戈刃也楯干也桐汝里名蓋杖兵以伏於桐汝之里門。楯食準反又音允

會出逐之

反奔執諸季氏中門之外平子怒曰何故以兵入吾門

拘臧氏老李臧有惡

杜相怨惡

及昭伯從公平子立臧會

杜立

以為臧氏後

會曰儂句不余欺也

林儂句龜名言不信果驗傳言卜筮之驗善惡由人

○楚子使遠射城州屈復茄入焉

遠復茄人於州曲○屈居勿反又其勿反

茄音加

城丘皇遷訾人焉

移訾人於丘皇

使熊相祺郭巢季然郭

卷

杜使二大夫為巢卷築郭也卷城在南陽葉縣南○相息亮反祺音梅卷音權或眷勉反

子大叔

聞之曰楚王將死矣使民不安其土民必憂憂將及王

弗能久矣

為明年楚子居卒傳

左傳杜林合注卷四十一